

四庫全書

子部

欽定四庫全書

御定淵鑑類函卷一百二十四

政術部三

辭官  
黜免

去官  
有罪復用  
離局

辭官一

增史記曰淳于髡博聞強記學無所主客有見髡於梁惠王惠王屏左右獨坐而再見之終無言惠王以讓客客以謂髡髡曰吾前見王王志在驅逐後復見王王志在音聲吾是以默然客具以報王大駭曰先生誠聖人

也前先生之來人有獻善馬者寡人未及視後先生之  
來人有獻謳者未及試寡人雖屏人私心在彼有之後  
髡見一語連三日三夜無倦惠王欲以卿相位待之髡  
謝去 高士傳曰陳仲子楚王聞其賢欲以為相仲子  
謂妻曰今日為相明日結駟連騎食方大於前意可乎  
妻曰夫子左琴右書樂在其中矣結駟連騎所安不過  
容膝食方大於前所甘不過一肉今以容膝之安一肉  
之味而懷楚國之憂亂世多害恐先生不保命也於是

出謝使者相與逃去 史記曰留侯素多病乃稱曰家  
世相韓及韓滅不愛萬金之資為韓報仇今以三寸舌  
為帝者師封萬戶于良足矣願棄人間事欲從赤松子  
遊耳 晉書曰武帝詔以鄭袤為司空袤謂坦曰魏以  
徐景山為司空吾時為侍中徐公語吾曰三公當上應  
天心苟非其人實傷和氣不敢以垂死之年累辱朝廷  
終於不就 北齊書曰王晞字叔朗昭帝欲以為侍中  
苦辭不受或勸晞勿自疎晞曰我少年以來閱要人多

矣充絀少時鮮不敗績且性實疎緩不堪時務人主恩私何由可保萬一披猖求退無地非不愛作熱官但思之爛熟耳 問奇類林曰李日知為刑部尚書屢乞骸骨許之將請不謀於家歸乃治裝行妻驚曰產利空空何辭之遽日知曰仕至此已過吾分 冊府元龜曰李抱玉為鳳翔節度使吐蕃每歲犯境代宗以岐下國之西門寄在抱玉恩寵無比秩處三公抱玉以任位崇重抗疏懇讓司空帝嘉其謙讓許之 又曰李夷簡為淮

南節度稱疾告老朝廷以未及懸車不之許夷簡堅請  
凡四表乃許分司東都 經濟類編曰判戶部駙馬都  
尉鄭顥營求作相其父祗德聞之與書曰聞汝已判戶  
部是吾必死之年又聞欲求宰相是吾必死之日也顥  
懼累表辭劇務宣宗以顥為秘書監 冊府元龜曰馮  
贇應順元年為中書令面奏曰臣出自寒微比無勞効  
徒因際會遂竊寵靈天下觀聽者安肯無言臣竭血誠  
期不奉詔上以其衷切改授兼侍中 經濟類編曰哲

宗時文彥博復居政府無歲不求去會殿中侍御史賈  
易言彥博致和建儲之議不可信太后命付史館彥博  
益求罷乃以太師充護國軍山南西道節度使致仕

山堂肆考曰宋孝宗淳熙十五年朱熹既歸投匭進封  
事言大本急務大本者陛下之心急務則輔翼太子疏  
入夜漏下七刻帝已就寢亟起秉燭讀之明日除主管  
西太乙宮兼崇政殿說書熹力辭乃以祕閣修撰奉祠  
經濟類編曰岳飛好賢禮士覽經史雅歌投壺恂恂

如書生每辭官必曰將士効力飛何功之有

## 辭官二

原上章

投檄

蔡謨上疏以疾病乞骸骨上司徒印綬章二十餘上穆帝臨軒遣使徵謨陳病

篤曰有公族穆子之疾寢伏待罪自旦及申公卿奏謨慢免為庶人

漢崔篆以明經徵詣公車太保甄豐舉

為步兵校尉篆辭曰吾聞伐國不問仁人戰陣不訪儒士此舉奚為至哉投檄而歸

避功臣

辭郡吏

杜詩字公君為南陽欲降避功臣上疏曰宜虛數郡待振旅之臣臣非所宜願受小職蕭望

之字長倩拜平原守上疏曰陛下諫官補郡吏所為憂末而忘本

稱父命

視子疾

晉卞壺字望之為尚書令時召樂謨為郡中正庾怡為廷尉評二人告稱父命不就壺奏一切班下不得以私



讓為永制二子不得已就之陸訥字祖言為吏部尚書以愛子長生有疾求解官營視詔許之

辭

三公泛五湖

於陵仲子辭三公為人灌園

范蠡辭

罷就第遂之楚

杜延年賜安車駟馬罷就第周處字子隱除楚內史未行徵拜散

騎常侍處云辭大不辭小遂之楚

冶厓辭卿

韋賢罷相

傳周欽治厓納衛侯

衛侯以為卿周治既服將命周欽先入及門遇疾而卒治厓辭卿注見欽死故也韋賢為丞相老病賜金百

斤罷加賜第一區丞相致仕自賢始

佯狂以避

失溲而止

韋元成佯狂讓封以

避兄後漢世祖彊起張湛為司徒湛至朝堂失溲因自謝病而止

敢辱高位

願督

小職

齊使敬仲為卿曰羈旅之臣幸免獲戾敢辱高位以速官謗黃香為尚書令遷東郡守上疏曰典

郡才非所堪願留備冗員  
督責小職復為尚書令

血氣未動

醫藥勉就

子遠

馮辭令尹重繭衣裘鮮食而寢楚子使醫視曰瘠則甚  
矣而血氣未動言無疾也乃免漢平當為丞相病篤

上書乞骸骨上使尚書杜延年賜安車  
養牛一上尊酒十石曰君其勉就醫藥

官不屑就

辭合善為

匪念恪居

徒思智免

奉身而退

知

止不殆

增目疾

身仆

冊府元龜曰唐張貴高宗永徽中為左領軍大將軍有目

疾抗表辭事

又曰路隨太和中華章事文宗坐紫宸殿隨奏事退至龍墀身仆於地帝令中人慰問翼日遂

以疏陳乞

雨為害

賊漸除

冊府元龜曰唐休璟中宗神龍元年為尚書左僕射休璟

以雨為害咎在三司上表乞解  
卿肅宗初為左相後以賊漸除屢乞骸骨

李建遲

顏薳速

冊府元龜曰李建穆宗長慶元年知制誥自以草詔思遲不願當其任旋改京兆少尹

又曰崔沂仕唐昭宗知制誥嘗與同舍顏薳錢珣俱秉筆見薳珣瞻速草制數十無妨談笑而沂自媿翼日謁

國相訴曰沂疎賤不足以供詞翰之職相輔然之

終中條

居昆明

冊府元龜曰司

空圖為中書舍人以疾辭且欲於近縣將息昭宗知其勇退從之其後除諫議戶部侍郎皆不起自號知非子時人高之竟善終中條山又曰李客師為右武衛將軍以年老致仕退居昆明之別業

三上書

二宜去

韓愈集曰孔戣字君嚴為尚書左丞年七十三三上書去官韓愈謂曰公尚壯矣去之果

曰吾年至一宜去吾為左丞不能進退郎官惟相之為二宜去

成雅志

知勇退

冊府

元龜曰李靖為右僕射以足疾上表乞骸骨太宗遣岑文本謂曰朕觀自古已來身居富貴能知足者甚少朕

今非直成公雅志亦欲以公為  
一代楷模 下詳終中條注

**投簪**

**挂冠**

孔雅圭  
文曰昔

聞投簪逸海畔今見解蘭縛塵纓 合璧事類曰陶弘  
景與從兄書曰昔仕期四十左右作尚書即投簪高邁

今三十六方奉朝請頭顱可  
知遂挂冠神武門上表辭祿 **不同進** **唯早退** 宋史  
歐陽

修傳曰范仲淹使陝西辟掌書記修笑而辭曰昔者之  
舉豈以為已利哉同其退不同其進可也 問奇類林

曰歐陽文忠公在蔡屢致仕門生蔡承禧言朝方倚重  
且未及引年豈容遽去公曰修平生名節為後生描畫

唯有早退以全晚  
節豈可更俟驅逐 **乞養病** **請致仕** 冊府元龜曰李  
靖為尚書右僕

射以疾上表遜位曰乞解所職養病私門 資治通鑑  
曰上以杜佑高年重德禮重之常呼司徒而不名佑以

老疾請致仕詔令佑每月入朝不過再  
三因至中書議大政他日聽歸樊川 **詔致珍饌**

辭歸林壑

冊府元龜曰唐王友貞為長水令後罷歸田里神龍初拜太子舍人令有司以禮徵赴及

至固以疾辭詔時致珍饌給全祿終身又曰孔述睿隱於嵩陽好學不倦大厯中轉運劉晏表薦述睿由

是累授起居舍人述睿唯再至朝廷謝恩旬日復固辭疾歸還林壑范希朝讓李自

良辭

冊府元龜曰范希朝建中年為邠州刺史韓遊瓌歸邠州以希朝得眾忌之希朝懼奔鳳翔遊瓌歿

邠軍諸將列名上請希朝為節度德宗將許之希朝讓於張獻甫曰臣始逼而來終代其任非所以防覲覲安

反側也詔嘉之又曰李自良為河東軍大將貞元三年從節度使馬燧入朝時罷燧兵權德宗欲以自良代

燧自良懇辭事燧久不欲代為軍帥物議多之請奉左右乞從閒逸冊府元龜

曰魏徵為侍中貞觀十年遜位乞解所職請為散官陪奉左右拾遺補闕又曰王方慶為鸞臺侍郎平章事

聖歷初以老疾乞從閒  
逸乃授麟臺監修國史

### 篤信仙方

### 恣游名山

冊府元龜

曰尉遲敬德為左一馬軍總管從破高麗於駐驛山軍  
還致仕末年篤信神仙方飛煉金石服雲母粉不與外  
人交通又曰鄭居中以中書舍人致仕恣游名山一  
日搦管為詩纔五字曰雲山游已徧紙猶在手筆忽墮  
地而終  
頭顱可知  
耳目不聰  
編上詳挂冠注  
經濟類  
終

臣犬馬之齒八十一血氣衰竭耳目不聰  
非復能有裨益願乞骸骨及身生歸鄉里

### 文正感悟

### 持國嘆咏

問奇類林曰處士魏野嘉祐中有詩贊王  
丈正公曰從前輔相皆頻出公在中書十

五秋泰岳汾陰俱禮畢這回好伴亦松游公覽之喜因  
感悟以疾屢辭續問奇類林曰韓持國晚年守許淮

子厚為倅值生辰獻遺星列于厚獨上詩云衣錦榮名  
雖烜赫挂冠高節莫因循公嘆咏久之曰非君誰與我

言遂致仕

妄叨榮寵

冀竭涓塵

冊府元龜曰鮮于紹自絳州刺史除同州刺史

高宗召見慰勉之紹辭曰臣今年八十五視聽昏耄豈可妄叨榮寵自貽罪譴乞許臣致仕又曰宋璟為尚

書右丞相以年老上表曰丞相官師之長愚臣衰朽之餘所以俛仰為政蒼黃不言實懷覆載之恩冀竭涓塵

之効今積羸成憊安可仍尸重祿

祁奚請老 張良稱病

左傳曰祁奚請老注

致仕也時為中軍尉下詳第一條

聞唯鵜之譏

憂即鹿之嫌

並詳後詩

夫非不愛熱官

豈可妨賢路

上詳第一條事類曰宋王秀之為

合璧

晉平太守期年求還曰吾山資已足豈可久留以妨賢路

不與宰輔議

實由大

臣薦

問奇類林曰判戶部有缺京兆尹韋澳奏事宣宗欲以澳補之辭曰臣比年心力衰耗難以處繁劇

宣宗不悅及歸其甥柳玘尤之澳曰主上不與宰相食議私欲用我人必謂我以他岐得之何以自明又曰

王渙之字彥舟未冠擢上第徽宗以日食求言大臣薦渙之召對上欲任以御史辭曰臣實由大臣薦不可以

居是官難逃天下之責不勝家門之盛上詳後詩文冊府元龜

曰韓公武宏之子以討淮西功為鄜州節度元和十四年宏自汴州入朝公武乞罷節度入為大金吾將軍既

而宏出鎮河中季父充移鎮宣武公武歎曰二父聯居重鎮吾以孺子當執金吾之任家門之盛懼不克勝堅

辭宿衛世修壽日獻圖子厚生辰上詩續問奇類林曰陳恭公判

亳州壽日從子世修獻范蠡五湖圖且贊曰賢哉陶朱霸越平吳名遂身退扁舟五湖公得之大喜即日納節

國歎下詳持幸未厭得自遂必待棄豈知足問奇類林曰蕭



欽定四庫全書

卷一百二十四

嵩為相與韓休不協因乞骸骨元宗曰朕未厭卿卿何庸去嵩曰臣爵位已極幸陛下未厭臣臣得以乞身如陛下厭臣臣首領不保安得自遂乎續問奇類林曰龐莊敏公知定州屢請老或謂上方注意且精力克壯何堅引去公曰必待筋力不支明主厭棄然後乃去是不得已豈知足之謂

辭官三

原不能者止

陳力就列不能者止

舉主不可齊列

後漢劉陶字子奇遷尚書

以所舉主為尚書不可齊列乞就冗散拜侍中

同諱

王舒字處明父名會舒拜會稽內史上疏乞換

他郡朝廷議以字同音異舒又陳辭于是改會為鄒不得已而行之

同名

江統為中郎選司以統叔

春為宜春令統因上疏曰但以職位之眾士人殷繁使至受官而令佐吏不得稱子孫不得言朝廷從之

宜勿奪志

魏田疇字子泰襲祖封侯讓不受有司劾疇  
很懷苟立小潔宜加刑鍾繇議宜勿奪志

叔父未得仕進

魏志劉矯有高節以叔父  
未得仕進絕州郡之命

增尚書

令必簡德量才

晉書謝石為尚書令上疏遜位曰尚書  
令總括百揆式是羣辟故必簡德而拔

量才而授

此例甚多

孔帖曰武德七年熒惑犯執法右僕  
射蕭瑀辭位貞觀十五年熒惑犯上

相左僕射高士廉辭位  
國史之內此例甚多

求歸耕養

又曰宋璟求致仕  
表臣叨祿簪裳備

員廊廟霜毫生額雪刺滿  
頭求歸耕養築壩巖穴

告年

王禹玉詩曰陪幄方  
圖政安車遂告年

賜鑑湖剡水一曲

問奇類林曰唐明皇時賀知章年  
八十六以病上表乞為道士還鄉

上許之賜名千秋仍賜鑑湖剡水一曲  
御製賜詩曰遺榮期入道辭老竟抽簪

詩酒自樂

冊府

欽定四庫全書

卷一百二十四

元龜曰晉伊玉羽為光祿少卿滿歲退歸秦中以林泉詩酒自樂

乞為僧

又曰宋房筠漢乾佑

二年自邵寧節度使乞致仕為僧

司諫歸華山

湘山野錄曰宋真廟時日本國入貢求神

光寺記舍人辭不工令學士張君房代之張退食多潛飲市樓掖垣求之不得大窘時种放以司諫歸華山後錢希白楊大年二公為閑忙令楊曰世上何人號最閑司諫拂衣歸華山錢曰世上何人號最忙紫微失却張君房錢若水歎問奇類林曰宋太宗以劉昌言罷問左

錢若水歎

右曰昌言涕泣否及呂蒙正罷又曰望

復位目穿矣錢若水因歎曰上待輔臣如此蓋無東節高邁以感動之者耳即以母老請解樞務

為

安石詆求歸愈切

宋史歐陽修傳曰修以風節自持年六十連乞謝事帝輒優詔弗許及守

青州又以請止散青苗錢為安石所詆故求歸愈切

辭官四

增詩宋鄭俠觀孔義甫與謝致仕詩有感曰人生足清  
閑天下第一福惜哉聲與利舉世方逐逐君子耀軒裳  
小人腴口腹霜雪滿頤頤領馳競心更速誰知東山後清  
風千載續仁孝實天成聰明乃幾燭弱冠揖高科聲華  
光煜煜騏驥駕夷途千里在舉足歲未再周天官先上  
應宿皇華屢更指間請分符竹端介奉高明慈仁撫乳  
獨施設妙通神歡謳道相屬一旦遽上章幡然謝羈束

古人涖官政五十曰艾服公年未五十懇請竟從欲緬  
彼伋與軻進退遺佳躅三揖就恩榮一辭託巖谷由公  
仕以觀其庶無媿恧元蒲道源辭陝西儒學提舉曰  
布穀聲中雨散絲晚牕濃睡正炊時春來暖透黃綢被  
老去甜歸白粲糜仕及引年何況病官雖閑局亦當辭  
為予多謝門前客莫怪慵夫應接遲明高啓辭戶部  
之命東還有作曰詔爾民曹出禁林陳辭因得解朝簪  
臣才自信元難稱聖澤誰言尚未深遠水江花秋艇去

長河宮樹曉鐘沈還鄉何事行猶緩為有區區戀闕心  
增疏後漢東平王蒼自以至親輔政不自安上疏曰臣  
蒼疲駑特為陛下慈恩覆護在家被教導之仁升朝蒙  
爵命之首制書褒美頒之四海舉負薪之才升君子之  
器凡匹夫一介尚不忘簞食之惠况臣居宰相之位同  
氣之親哉宜當暴骸膏野為百僚先而愚頑之質加以  
痼疾誠羞負乘辱污輔將之位將被詩人三百赤芾之  
刺自漢興以來宗室子弟無得在公卿位者惟陛下遵

承舊典終享厚恩乞上驃騎將軍印綬退受藩國願蒙  
哀憐

增表晉李密陳情表曰祖母劉日薄西山氣息奄奄人  
命危淺朝不慮夕臣無祖母無以至今日祖母無臣無  
以終餘年母孫二人更相為命是以區區不能廢遠臣  
密今年四十有四祖母劉今年九十有六是臣盡節於  
陛下之日長報劉之日短也烏鳥私情願乞終養 周  
庾信為閔大將軍乞致仕表曰臣自出身奉國四十餘

年遭遇風雲從微至著而臣甲子既多耄年又及無參  
賓客之事謬達諸侯之班尸祿素餐久紊彝典負乘致  
寇徒煩有司加以寒暑乖違節宣失序風水交侵菁華  
已竭雖復廉頗強飯馬援據鞍求欲報恩何能為役榮  
啓期之樂適足自貽燭之武之言無能為也特乞解所  
居官言從初服事符骸骨之請非謀几杖之賜 又代  
人乞致仕表曰臣聞一葉將隕寧待於風露百川皆到  
自竭者潢汚臣仲春之末舊患漸加雙足頗蹇四支不



利扶步有邯鄲之失勉視無離婁之明安可率此留務  
溷茲恒典 唐李靖為尚書右僕射以疾上表遜位曰  
臣固庸流無階貴仕短翮慕侶顧榆枋而自得駘足追  
羣瞻燕越而絕思幸屬光華啓旦管庫無遺假宮商於  
庸音披丹漆於朽質雖復南臨徼外北踐沙場敵必倒  
戈人懷尚義以此為效實貪天功而上賞亟行鴻恩罔  
已錫爵胙土連衡寇鄧腰金鳴玉方軌崔盧木石有心  
豈不增媿自濫端副待罪文昌遂使化洽陰陽或虧於

玉燭德動辰緯時災於珠聯求其所由並臣之咎加以  
年事西夕痾病日侵乞解所職養病私門 唐休璟為  
尚書右僕射以雨水為害上表曰臣聞得其理則陰陽  
以調失其和則災沴斯作臣樗櫟散材桑榆暮齒識非  
經遠器不濟時徒以宿忝周行歷登朝廡執典禁戎不  
雪四郊之恥忝尸端右更居八座之榮况疲敝已至年  
髮侵衰無德而祿必為小人之患非材安居果致大臣  
之咎頃自中夏及乎首秋國有水災屢為人害將政教

之吏罔副天心實變理之才未知王度昔漢官故事丞相以天災免職况竊在聖朝豈敢覲顏居位乞解所居待罪私庭 宋璟乞致仕表曰臣聞力不足者老則更衰心無主者疾而尤廢臣拔自幽介欽屬聖明才不逮人藝非經國徒以久從驅策歷參試用命偶時來榮因歲積遂得再昇台座三入冢司進階開府增邑大郡所更中外已紊彝章逮居端揆尤竊右職伏惟陛下探能以授為官而擇察臣之有詞矜臣之不逮使得罷歸私

室養疾衡門

權德輿代魏博田僕射辭官表曰臣聞

中原息戰子房得以乞身東吳既平范蠡終能行志愚  
臣夙心私有所慕况蒲柳先邁鴛鴦易疲仰覲天慈俯  
照愚悃郭崇韜上表陳情曰臣軀身小校樗朽凡姿  
陛下天睠不迴國權堅付在一時而難違重命許五年  
而別選通人邇來雖戡夷巨孽績紹鴻基雪三百年社  
稷深冤立十九葉宗祊大事皆謀從聖慮斷自宸衷兼  
列校之同心非微臣之獨計今珥貂冕於朝端統龍旌

于閫外恩榮有進功德無稱終憂即鹿之嫌寧抑懸貮  
之刺 宋歐陽修辭免參知政事表曰臣本乏才能徒  
緣幸會列于侍從白首無聞置在樞機素餐已甚雖聖  
主之恩天地曲示含容而朝廷之事毫釐動關利害豈  
止曠官之誚每懷報國之憂矧惟政事之臣實代天工  
之任俾之贊貳宜擇才賢 又辭樞密副使表曰器能  
甚薄風力不強少喜文辭殆浮華而少實晚勤學古終  
迂闊以自愚而自遭逢盛明擢在侍從間嘗論天下之

事言出而衆怨已歸思欲報人主之知智短而萬分無  
補徒措危躬於禍咎每煩聖造之保全既不適於時宜  
惟可置之閑處故自叨還禁署逮此七年屢乞方州幾  
於十請瀝愚誠之懇至被明詔之丁寧惟大度并包猥  
荷優容之賜而羣賢在列敢懷希進之心

增狀宋吳永叔辭免除權吏部侍郎狀曰臣猥自遐陬  
躡登朝序偶值清朝之更化忽陪羣彥以同升謬當記  
注之筵復玷詞翰之選赤墀載筆幾瞻言動之容紅燭

燃牕兩被傳宣之寵雖曰儒生之榮遇每慚往哲之高  
風方戒滿盈又叨甄擢官清易曠甫半歲而三遷恩重  
難酬不一月而再命儻冒承于殊渥恐交噴于煩言伏  
望聖慈俯矜愚悃 真德秀再辭免戶部尚書狀曰臣  
雖之通明之識粗知去就之宜昔政在私門固合進難  
而退易今權歸公室所當朝召而暮行矧惟去國之十  
年常切愛君之一念每愁無路可輸畎畝之忠詎意逢  
辰重瞻天日之表身未離于閩嶠心已驚于闕庭惟是

天臺高選地官劇曹位在納言雖踵夔龍之武職專治賦隄亡晏滉之才僭瀆睿聰冀還宸渥

增墓表明楊士奇陳靜誠先生墓表曰太祖高皇帝定鼎金陵時南臺侍御史秦元之素知先生入言於上曰陳遇有輔翼才宜寘左右使效裨益即日召見與語大悅禮待加厚稱先生而不名曰侍帷幄贊幾務車駕幸其第者三命之官輒辭臣民既推戴上登大寶所承詔問悉保國安民大計先生竭心據誠多所獻替命為學



士翰林者再皆固辭嘗奉密命偕中官趙信往視浙江  
還奏稱旨命為禮部侍郎又固辭間遘疾賜藥命中官  
挾太醫院官視療時微寒特賜錦被及上供米既瘥入  
謝上嘉獎連稱君子者三又除禮部尚書又固辭自是  
不復強之以職每名見錫勞必厚或坐久必賜宴間命  
廐馬送歸先生秉義懷忠非正道不陳羣臣以過被譴  
者率為解釋上亮其誠未嘗為忤數諭之曰卿老不欲  
仕有子令帶刀侍衛叩首以子幼辭蓋靜澹恬退始終

一志

去官一

增前漢書曰陳咸為尚書平帝時王莽輔政多改漢制咸心非之及莽因呂寬事誅不附己者何武鮑宣等咸乃歎曰易稱君子見幾而作不俟終日吾可以逝矣即乞骸骨去職及莽篡位召咸以為掌寇大夫謝病不應時三子參豐欽皆在位乃悉令解官父子相與歸鄉里閉門不出天中記曰後漢選注胡剛清高有志節值

王莽居攝解衣冠懸府門而去遂亡命交趾隱于屠肆

之間 冊府元龜曰王績龍門人隋大業中應孝悌廉

潔舉授六合縣丞非其所好棄官歸鄉里 又曰盧懷

慎為黃門監稱疾辭職詔曰盧懷慎忘身徇公積勞為

病方欲省其謀慮專於導引且憑針灸之術副朕鹽梅

之期聽以去官許其養疾 又曰韋況代宗大厯中隱

居于嵩山守志樂道孔述睿深器之薦為拾遺不起未

幾又以起居郎追赴闕半歲棄官東歸徙家于龍門別

墅 問奇類林曰張正甫為相與門人崔咸議欲休致

崔力贊之既歸門庭冷落意遂大悔謂人曰後有大事

勿與少年郎議之 又曰司空圖致仕而歸居中條山

作亭名曰三休謂量才一宜休揣分二宜休老而贖三

宜休 山堂肆考曰宋种放累章乞歸章聖賜買山錢

合璧事類曰孫集賢晁天禧中直史館幾三十年晚

守蘇期年大書詩于廳壁拂衣而去其詩曰人生七十

鬼為鄰已覺風光屬別人莫待朝廷差致仕早謀泉石

養閑身 又曰元豐七年文太師告老奏乞赴闕親辭

天陞庶盡臣子之誠既見神宗即日賜宴顧問溫密留

京師一月凡對上者五賜宴者三賜詩者再 山堂肆

考曰蓬州人鄭修登元祐進士知梁州軍未及引年翻

然而歸所居結茅扁曰飯牛菴 又曰趙抃歸老西安

作高齋蘇軾寄詩云功名富貴俱逆旅挂冠而去真秋

毫 又曰劉渙字凝之棄官家於廬山之陽作騎牛歌

曰我騎牛君莫笑萬事從我好 經濟類編曰伯勒齊

爾布哈諷御史劾奏阿魯圖不宜居相位阿魯圖即辭避  
所親為之不平阿魯圖曰我博爾濟世裔宜以丞相為  
難得邪但御史臺世祖所建我與御史抗即與世祖抗  
矣汝等勿復言

## 去官二

原挂冠

命駕

後漢逢萌字子慶見王莽殺子宇曰三  
綱絕矣不去禍及乃解冠挂東都門而

歸世說張翰字季鷹為齊王東曹掾在洛陽見秋風起因思江南蓴菜羹鱸魚膾曰人生所貴適意何能羈

宦數千里以邀名

爵乃命駕東歸

貢禹

枚乘

禹字少翁為河南令以賊事為府官所責

免冠謝禹曰冠一免豈可復冠乎遂去官  
枚乘為弘農都尉不樂為吏旋去官客游梁

不折腰

敢踰心

陶潛為彭澤令曰今日不能為五斗粟折腰  
于鄉里小兒乃去官作歸去來辭 王羲之

字逸少會稽人稱疾去官于父母前自誓曰  
今後敢踰此心貪冒苟進是無尊而不予也

表送章

綬 上還舉板

晉書魏舒為司徒年老每稱疾遜位後  
因正旦朝罷還第表送章綬帝手詔敦

勉而舒執意彌固于是賜安車駟馬門施行馬舒為事  
必先行而後言遜位之際莫有知者時論以為晉興以  
來三公能辭榮祿終者未之有也 荊州先賢傳曰  
董正少有美姿太守舉孝廉正負笈單步上還舉板

棄官而去 投檄而歸

會稽典錄曰周規為湘令二月  
長沙太守徐祝行縣以草穢教

縣除之規以妨農時損夫力拒而  
不聽遂棄官而去 下詳辭官

即投傳去 迺以

疾歸

豫章記孔恂為別駕即投傳去汝南先賢傳曰黃憲舉孝廉廼以疾歸

無義不仕

有嫌棄歸

君子之仕行其義也補武岡令與太守呂岳有嫌棄官而歸

病不之官

族無所庇

後漢楊倫以諫不合出補常山主簿病不之官司隸催促倫上

疏曰有留死一尺無北行一寸徵詣廷尉詔原之傳宋公孫蕩棄官則族無所庇

奉戒免歸

典兵擅去

王吉嘗坐昌邑王被刑戒子孫無為王國吏及子駿遷趙內史遂免官歸世說王

經字彥緯為江夏守曹爽附絹三十匹令交市于吳經不發書棄官歸母以經典兵馬而擅去官對送使杖五十爽聞不復加罪

三揖一辭難進易退

禮記曰君子三揖而進一辭而退

奉身以退

量力而行

增身退

老傳

老子曰功成名遂身



退天之道也 禮記曰七十 懸輿 歸杖 合璧事類  
曰老而傳注傳家事任子孫 曰自知稅

駕無李斯之歎音便保懸車復韋賢之故 罪人 饑  
事 又曰脫簪公府歸杖私門狄梁公表

烏 三國志曰田豫字國讓仕魏遷南陽守曰年高七十  
而居位譬之鐘鳴漏盡夜行不休是罪人也遂引疾

去 合璧事類曰曾魯公自嘉祐東政至熙寧尚在中  
書年雖高而精力不衰李復圭嘗作書譏之老鳳池邊

蹲不去饑烏臺上噤無 蟲觸網 雪壓竹 金樓子曰  
聲曾魯公遂乃致仕

王朝未央宮見赤蜘蛛大如栗四面縈羅網有蟲觸之  
死焉乃歎曰仕宦者人之羅網也豈可久淹邪遂挂冠

而退時人謂蜘蛛隱 山堂肆考曰宋羅之紀字國張  
號筠心瑞陽人孝宗朝攝邑雲夢見雪壓庭竹詩云吾

道非邪真可恥此君豈 恥為屬 疾其姦 孔帖云郝  
是折腰人遂棄官歸 處俊恥為

滕王府屬棄官去 又曰蕭存張滂主財賦辟  
留務京師時裴延齡與滂不叶存疾其姦去官 賣車

騎

採薪栗

孔帖曰關播以太子少師致仕斥賣車騎  
閨門不嬰外事 又曰杜甫為華州司功

參軍關輔饑輒棄官去  
客秦州負薪採栗自給

非其所好

豈為難得

冊府元龜

曰竇威沉深有器局隋煬帝時以皇后姊壻徵  
為考功郎數侍遊宴非其所好 下詳第一條

殊苦

督將

不堪中人

冊府元龜曰武元衡為華原令時畿  
輔有督將恃恩伐功者多撓吏理元

衡苦之乃移疾去為沈浮譙咏之游 又曰王正雅為  
汝州刺史充本州防禦使有監軍中人怙權正雅不能  
堪遂謝 潛遁而去 謝病以歸 冊府元龜曰唐李守  
病免

年六十不求仕天寶初以高蹈徵遷至太子右諭德其  
性簡素雖恩遇志意不易既辭闕廷不言發期潛遁而

去朝廷故友追送靡及又曰後唐李保殷為大理卿未滿秩屢為人所制曰人之多辟無自立辟乃謝病以

歸

武后多殺刺史不禮

孔帖曰李思訓為江都令武后多殺宗室思訓棄官

去又曰劉幽求制科中第調閬中尉刺史不禮棄官去

毀車遠遁

焚章長嘯

後漢書曰馬良年三十為尉奉檄書迎督郵恥在廨役因毀車殺馬裂衣冠遁至捷為從姜撫學妻子求索蹤

跡斷絕十許年乃還鄉里合璧事類曰張褒梁天監中不供學士職御史欲彈劾褒曰碧山不負吾乃焚章

長嘯而去

挂冠自在投紱歸來

白居易詩曰南北東西無所羈挂冠自在勝分

司探花嘗酒多先到拜表行香盡不知蘇軾詩曰投紱歸來萬事輕消磨未盡祇風情

角巾歸

里

牛車還鄉

合璧事類曰羊祐與弟琇書曰既定邊事當角巾東洛歸故里又曰太尉李

歲以老乞骸骨見許悉還所賜物來敝牛車使子男御晨發京師百僚追送不得見

疏廣謂受

張鑄與昱

廣事大類聚曰疏廣為太傅兄子受為少傅廣謂受曰吾聞知足不辱即日乞骸骨上

許之皆賜黃金故人邑子設祖道供帳東都門外道路觀者皆曰賢哉二大夫又曰張鑄祥符中登進士甲科歷四郡守五任漕憲嘗帥南陽王介甫乃其門人也與姪昱並以光祿卿致仕同歸縉紳榮之杜祁公贈詩云七十引年遵禮經君家何事最為榮清朝叔姪同辭祿歸去田園盡列卿

不似白雲

相期赤松

趙嘏送蕭相公詩眼前軒冕是鴻毛天上人情謾自勞脫却朝衣便東去青雲不似白雲

高蘇軾和潞公超然臺詩曰我公厭富貴常苦勲業尋相期赤松子永望白雲岑

飽鱸膾

披鶴氅

上詳第三條經濟類編曰後唐荆南節度使高從誨委任梁震以兄事之梁震曰先王待我

如布衣交以嗣王屬我今嗣王不墜其業吾老矣不復  
事人矣遂固請退居從誨不能留乃為之築室于土洲  
震披鶴氅自號荆臺隱士

### 棄官為道士

以家付兒曹

冊府元龜  
曰李淳風

為高唐尉秩卑不得志棄官為道士頗有文學自號黃  
冠子山堂肆考曰宋辛幼安名棄疾寧宗朝奉身勇  
退悉以家事付兒曹

### 自稱香山居士

難做退位菩薩

合璧事  
類曰白

居易以刑部尚書致仕與香山僧如滿結香火社每肩  
輿往來白衣鳩杖自稱香山居士續問奇類林曰蘇

易簡罷知政事不勝閒冷  
謂親舊曰退位菩薩難做

不使我酣美酒

遂出所

### 受俸錢

孔帖曰王績太樂署史焦革家善釀績求為丞  
軍死妻送酒不絕歲餘又死績曰天不使我酣

美酒邪棄官去又曰呂才東臯子王績集序天下亂  
君歎曰羅網高懸去將安所遂出所受俸錢積于縣城

門前輕  
舟夜遁

### 去官三

原高尚

易曰不事王侯高尚其事

逃祿

子文

趙溫歎雌伏

東觀漢記趙溫

為京兆丞歎曰大丈夫當雄飛何能雌伏也

高岱謂藏暉

文士傳曰高岱有操郡將盛憲

以為上計吏岱辭不行謂司卿曰懷書千卷隱光藏暉遂稱疾歸家

司徒失人

閔仲叔應司徒

侯霸之辟既至不及政事仲叔曰辟而不問是失人也投劾云云

郡守非人

後漢檀敷蒙城

令以郡守非其人乃棄官

官止六百石

漢酈漢兄子曼容為官不過六百石輒自免去

見執主事儀

范滂字孟博為光祿主事執公儀見光祿勳陳蕃蕃不止之滂恨投版棄官郭林宗

間而讓蕃

范滂詣獄解印

後漢黨錮事下詔捕范滂督郵吳導至縣抱書閉閤伏牀而泣

滂聞之曰此必為我也即自詣獄縣令郭揖大驚出解印引出俱去曰天下大矣子何為在此曰滂死則禍塞

何敢以罪累君

巴肅詣縣解印

巴肅坐黨自載詣縣縣令見肅入閤解印綬欲俱去肅曰

人臣有謀不隱有罪不怨遂被害刺史賈琮刻石記之

陳蕃刺史不合

刺史周景辟陳

蕃為別駕以諫不合投傳去

龐參鄉人敬之

襄陽記龐德公子參字世文晉太康中為

梓柯太守去官歸鄉居白沙里鄉人宗敬之相語曰我家池中龍種來里中化其德讓少壯皆代老者擔

增投冠

陶潛詩曰投冠旋舊墟不為好爵榮

非其好

冊府元龜曰杜如晦隋末為潞陽尉

非其好也後棄官歸于鄉里

彥範不用其言

又曰孫處元為左拾遺中宗神龍初功臣

桓彥範等用事處元遺彥範書論時

隱武寧山

孔帖云柳

渾累遷衢州司馬

永為陸司勳

又曰歐陽矩移陸司勳書論或不行言或

後棄官隱武寧山  
不用則乞骸歸去  
長嘯永為陸司勳庶幾乎不朽  
鰓尊羹放歌

遺名勇退

元稹制曰遺名

自遂勇退  
推高

年滿七十

韓愈集序曰國子司業楊君巨源方以能詩訓後進一旦以年滿七

十亦白丞相去歸其鄉

子弟侍側公卿在席

孔帖云盧簡求以太子太師致仕還

於東都有園林別墅歲時行樂子弟侍側公卿在席詩酒觴咏竟日忘歸

## 去官四

增詩唐王維崔錄事曰解印歸田里賢哉此大夫少年



曾任俠晚節更為儒遁迹東山下因家滄海隅已聞能  
狎鳥余欲共乘桴又送綦母校書棄官還江東曰明  
時久不達棄置與君同天命無怨色人生有素風念君  
拂衣去四海將安窮秋天萬里靜日暮九江空清夜何  
悠悠扣舷明月中和光魚鳥際澹爾蒹葭叢余亦從此  
去歸耕為老農杜甫送孔巢父遊江東曰巢父掉頭  
不肯住東將入海隨煙霧詩卷長留天地間釣竿欲拂  
珊瑚樹深山大澤龍蛇遠春寒野陰風景暮蓬萊織女

回雲車指點虛無引歸路自是君身有仙骨世人那得  
知其故惜君只欲苦死留富貴何如草頭露 劉長卿  
漢陽獻李相公曰退身高卧楚城幽獨掩閒門漢水頭  
春草雨中行徑沒暮山江上卷簾愁幾人猶憶孫弘閣  
百口同乘范蠡舟早晚却還丞相印十年空被白雲留  
杜牧許侍御棄官東歸寄贈曰天下繡衣吏東吳美  
退居有園同庾信避事學相如蘭畹晴香嫩筠溪翠影  
疎江山九秋後風月六朝餘塵意迷今古雲情識卷舒

他年雪中權陽羨訪吾廬 朱慶餘孔尚書致仕曰高

人心易足三表乞身閑與世長疎索唯僧得往還直聲

留闕下生計在林間時復逢晴景乘車看遠山 劉得

仁和鄭先輩謝秩閒居寓書所懷曰把筆還詩債將琴

當酒資藍衫懸竹桁烏帽挂松枝 溫庭筠贈盧長史

詩曰移病欲成隱扁舟歸舊居地深心事少官散故交

疎道直更無侶家貧惟有書東門煙水夢非獨為鱸魚

王建送唐大夫罷節歸山曰年少平戎老學仙表求

骸骨乞生全不堪腰下懸金印已向雲西寄玉田旄節  
抱歸官路上公卿送到國門前人間雞犬同時去遙聽  
仙歌隔水煙 宋王禹偁賀將作孔監致仕曰泣辭明  
主挂冠簪便約幽雲老舊林朝請罷來頻典笏田園歸  
去只攜琴焚香靜院當山色曬藥空庭避竹陰一子得  
官三品祿未饒疏傳有黃金 趙抃送穆舜賓承議致  
政還鄉曰清修平日得無慚學道勤行肯妄談軒冕喧  
譁公始悟林泉瀟灑我先諳曾憐避弋雲中鴈每念纏

絲繭裛蠶畫舫西歸時節好春山如黛水如藍 孔平

仲送謝仲規致仕曰公年五十餘鬚鬢黑如漆朝廷方  
進用未是挂冠日又非力不任數以身自乞人疑狗虛  
名今也踐其實蕭然巢許姿臭腐視冕紱東南富人材  
卿相近間出急流能勇退千古未有一賢哉謝夫子趣  
尚真不屈騰裝嶺外遠歸櫂江邊疾故鄉何日到清暑  
坐華室荔包雜紅紫茶品分甲乙歲時會親賓左右列  
圖帙回頭煙瘴地揮手風波窟天將勞以生乃獨取閒

佚觀公眉宇秀凜凜有道骨當為地上仙不是籠中物  
蘇軾罷徐州往南京曰吏民莫攀援歌管莫悽咽吾  
生如寄耳寧獨為此別別離隨處有悲惱緣愛結而我  
本無恩此涕誰為設紛紛等兒戲鞭鞅遭割截道邊雙  
石人幾見太守發有知當解笑撫掌冠纓絕 黃庭堅  
次韻休官曰世態已更千變盡心源不受一塵侵青春  
白日無公事紫燕黃鸝俱好音付與兒孫知伏臘聽教  
魚鳥逐飛沉黃公壚下曾知味定是逃禪入少林 楊

萬里送吳敏叔侍郎曰脚踏雞翹豹尾閒心飛碧岫白  
雲端人看疏傳如圖畫帝念嚴光返釣灘玉殿松班唐  
次對竹宮茅立漢祠官自憐病鶴樊籠底方羨冥鴻片  
影寒 朱熹蒙恩許遂休致曰闌干苜蓿久空槃未覺  
清羸帶眼寬老去光華姦黨籍向來羞辱侍臣冠極知  
此道無終否且喜閒身得暫安漢祚中天那可料明年  
大歲又涖灘 元趙孟頫題歸去來圖曰斯人真有道  
名與日月懸青松卓然操黃華霜中鮮棄官亦易耳忍

窮北牕眠撫卷常三歎世久無此賢 明孫賁送翰林

宋先生致仕歸金華曰事業文章滿汗青白頭歸去世  
緣輕雙溪水繞長松下只讀楞伽一卷經 王世貞解  
任後得明卿罷官報寄贈曰郵書一到不堪聞起別殘  
燈坐夜分塞馬論來終是失冥鴻去後許誰羣無妨中  
散來千里更喜延之咏五君與說近蹤應稍慰買山全  
占洞庭雲

增傳明王英劉先生傳曰宣德中監察御史尹崇高力



薦先生雖老猶可學校師表至京以年將八十辭宣宗  
皇帝曰伏生九十尚傳經八十豈不可為教官先生辭  
益力上曰老者安之孔子之言也朕允其請令歸故鄉  
先生歸怡然自得深衣幅巾列圖史左右日吟咏不輟  
增序宋程俱送林德祖東歸詩序曰余行道南徐過故  
人蘇承祖出許振叔書道德祖挂冠勇決之狀余時冒  
初暑向遠途忽忽煩憤聞之灑然如挹寒流而濯清風  
也明徐一夔郁離子序曰誠意伯劉公學足以探三

才之奧識足以達萬物之情氣足以奪三軍之帥以是自許卓然立於天地之間不知自視與古之豪傑何如也年二十已登進士第有志於尊主庇民當是時其君不以天下繫念慮官不擇人例以常格處之噤不能有為已而南北絳騷公慨然有澄清之志藩閫方務治兵辟公參贊而公銳欲以功業自見累建大議皆因時之長策而當國者樂因循而悅苟且抑而不行公遂棄官去屏居青田山中發憤著書此郁離子所以作也

增咨目宋朱子致仕後客位咨目曰滎陽呂公嘗言京洛致仕官與人相接皆以閑居野服為禮而歎外郡或不能然其指深矣某以老大野逸自居近緣久病艱於動作屈伸俯仰皆不自由遂不免遵用舊京故俗輒以野服從事然而上衣下裳大帶方履比之涼衫自不為簡其所便者但取束帶足以為禮解帶可以燕居免有拘攣纏繞之患且使窮鄉下邑得以復見祖宗盛時京都舊俗其美如此亦補助風教之一端也

# 離局一

原遐棄厥司

叛官離次  
遐棄厥司

失位

失官慢也離局姦也  
一失其位寵名皆棄

失職

臣之失職  
常刑無赦

一日失職

一日失職  
則死及之

既忘恤緯

是不理庖

各揚其職

舉

增持虎符出界

事丈類聚  
曰漢馮野

王字君卿為琅邪太守病滿三月賜告與妻子歸杜陵  
就醫藥大將軍王鳳諷御史中丞劾奏野王賜告養病

而私自便持虎符

原越界迎

後漢皇甫規字威明為  
渡遼將軍欲退身數上

出界還家免官

病不許友人王昱喪還規越界迎因令客密告并州刺  
史胡芳奏芳曰威明欲避地故耳吾當為朝廷愛才何

能中此子計

吉黃伏法

吉茂同產兄黃為長陵令時  
禁長吏闕擅去黃聞司徒趙

遂不問也

溫亮以故吏違科奔喪司隸鍾繇收伏法

增棄印謁趙咨

問奇類林曰趙咨過滎陽曹嵩

迎之咨不為留嵩以不得見為天下笑遂棄印綬追謁之

原出界送

晉郭奕為野王令羊祜過

之遂送祜出界數百里坐此免官

石崇免官

石崇為荊州徵為大司農以徵書未至擅去官

遂免

旬日却還

阮籍為東平相到郡法令清簡旬日却乘驢還

增還京師

醫療

孔帖云唐張重華為華州刺史代宗大歷三年以病乞還京師醫療許之乃遣中使如其第問疾

不樂職輒去

又曰張建封湖南觀察使韋之晉辟署參謀授左清道兵曹參軍不樂職輒去

人吏不得離局應舉

文獻通考曰宋太宗端拱二年詔自今中書樞密宣徽學士院

京百司諸州係職人吏不得離局應舉

離局二

增判唐人對病疾判曰四岳咨命九土司牧功共理於  
伏熊期得賢於建隼淮陽臥理聞汲黯之政譽渤海行  
歌美龔公之化洽甲官忝列郡未著能名庭無致仕之  
蘭院少延年之菊漳濱臥疾雖比於古人潁川流譽硯  
顏於今吏賜告養疾宜輟務於公庭出境而行何慢官  
於私第

黜免一

原設雀羅

賦鵬鳥

漢書鄭當時傳曰先是翟公為廷尉賓客填門及廢門外可設雀羅

賈誼謫居長沙長沙卑濕自傷悼為鵬鳥賦

黜師保

奪官邑

書思過之地放黜師

保

行吟澤畔

俟罪長沙

屈原既放乃行吟澤畔為懷沙賦沉汨羅而死賈

誼謫為長沙王傳既以謫去渡湘水為賦弔屈原曰恭承嘉惠兮俟罪長沙側聞屈原兮自沉汨羅

伯

仁醉酒

屈平獨醒

晉周顗字伯仁為吏部尚書醉酒為有司所糾詔令白衣領職

庶人終家

特進歸第

前漢諸葛豐傳曰豐上書告光祿勳周堪光祿大夫張猛上不

直豐憐豐之耆老不忍加刑其免為庶人終於家後漢竇憲既平匈奴威名大盛刺史守令多出其門朝臣震懾望風承旨景為執金吾驕縱尤甚奴客緹騎依倚強奪財貨篡取罪人妻略婦女有司莫敢舉奏太后聞

之使謁者策免景  
官以特進歸第

成王黜廷理 晏子逐高糾

說苑  
曰楚

令尹子文之族有干法者廷理拘之間其令尹之族也  
而釋之子文召廷理而責之曰何廷理之駭於法也不  
是刑也吾將死廷理懼遂刑其族人成王聞之不及履  
而至於子文之室曰寡人幼少置理失其人以違夫子  
之意於是黜廷理而尊子文 晏子使高糾治家三年  
而辭焉賓者諫曰高糾之事夫子三年曾無以爵位而  
逐之敢請其罪晏子曰若夫方立之人唯聖人而已如  
嬰者仄陋之人也若夫左嬰右嬰之人不舉四維將不  
正今此子事吾三年未嘗  
弼吾過也吾是以辭之  
柳下惠三黜 潘安仁再  
免 論語曰柳下惠為士師三黜曰直道而事人焉往而  
不三黜 潘岳閒居賦曰自弱冠涉于知命之年八  
徙官而一進階再免一除名一不拜職遷者  
三而已矣雖通塞有遇抑亦拙者之效也  
陳遵置



酒跳梁

廖立視屋憤咤

前漢陳遵傳遵為河南太守弟級為荊州牧當之官俱過

長安富人左氏飲酒作樂陳崇劾奏之蜀志曰廖立先主徵為侍中後主襲位徙長水校尉立自謂才名宜為諸葛亮之貳而更游散常懷怏怏舉頭視屋憤咤亮表立誹謗先帝疵毀眾臣云云廢立為民徙汝山郡

紉爵

降階

禦魅

投荒

逐臣

遷客

投諸

四裔

謫居三年

失恩禁閤

俟罪荒陬

將不甘

心

故無鉗口

賈誼長沙之中實傷鵬鳥

屈原汨

羅之上見著離騷

增屢諫

好諧

丹府元龜曰薛大鼎貞觀中為齊王

祐長史祐溺情羣小大鼎屢諫不聽太宗以鼎輔導無功竟坐免又曰韋綬元和中為諫議大夫充皇太子

侍讀綬好諧戲兼通人間小說他日帝曰侍讀者當以經術輔導太子今綬之談論有異於是豈導太子者命

罷其職

受金

約賄

冊府元龜曰張涉德宗居春宮時為侍讀及即位累遷散騎常侍俄

受湖南觀察使金事覺以舊恩不之罪廢於家又曰馬懷素為監察御史夏官侍郎李迥秀侍張易之勢受

納貨賄懷素劾之迥秀遂罷知政事

乃知我苟利人

左傳曰狼臠曰吾以勇求右無

勇而黜亦其宜也謂上不我知黜而宜乃知我矣冊

府元龜曰蕭復建中初為同州刺史時州人阻饑有京

畿觀察使儲廩在境內復輒以賙貧人為有司所劾詔下削階受代親友言之復恬然曰苟利於人敢憚薄責

立仗馬

觸藩羝

資治通鑑曰李林甫謂諫官曰君不見立仗馬乎一鳴輒斥陳師

道詩曰纔如得風鷄已復觸藩羝

太宗怒仁傑劾

冊府元龜曰唐周立德為將作

大匠貞觀中太宗將幸雒陽遣立德行清署之地以建離宮遂於汝州置宮役一百九十萬雜費稱是及此暑熱又多虺太宗大怒立德坐免又曰韋機為司農卿兼統將作少府高宗上元中始造宿羽高山等宮劉仁軌謂侍御史狄仁傑曰古之陂池臺榭皆在深宮不欲外人見之恐傷百姓之心也機所作在於煙堞之外萬方朝謁無不覩之此豈致君堯舜之意哉仁傑奏劾之遂坐免官

鬪雞檄 賞花詩

冊府元龜曰王勃高宗乾封初沛王賢奏就府修撰時諸王以鬪雞為戲勃作檄英王難丈高宗聞之曰迴車朝歌不踐勝母者惡其名也勃此文恐成交構之漸斥勃不令入府又曰白居易和中為太子左贊善大夫先是居易母因看花墜井死居易作賞花及新井詩名教之士譏焉或以其事上言因命宰相與居易遠州刺史

先集聚 不給直

冊府元龜曰高宗龍朔元年狩于南山布園大順府果毅王萬

興以輒先促圍集衆欲斬之帝謂侍臣曰恐外人謂我  
玩好畋獵輕斷人命特令赦免資治通鑑曰元和十

五年門下侍郎同平章事令狐楚坐為山陵使不給工  
人傭直收其錢十五萬緡為羨餘獻之怨訴盈路罷為

宣歙池觀察使非無辭矣何相迫也冊府元龜曰貞觀二  
年司空裴寂坐事免

先是有沙門法雅妖言伏法寂解與相連坐免歸蒲州  
俄追入闕未幾寂奴恭命上變太宗曰寂罪有四我殺

之非無辭矣議者多言流配朕其從衆乎又曰開元  
十二年詔曰張嘉貞備位宰相不能勵其公節以訓私

門貶居藩守俾肅朝位嘉貞惋恨謂人柳渾守正  
曰中書令幸有三員何相迫之甚也

陸贄敢言冊府元龜曰貞元三年平章事柳渾傳知政  
事時張延賞與渾同列延賞怙權疾渾守正

謂渾曰相公舊德但節言于廟堂則重位可久渾曰柳  
渾頭可斷舌不可禁也自是為其所擠又曰十年宰

相陸贄罷為太子賓客時裴延齡判度支天下皆嫉怨朝廷無敢言其短長者贄獨陳其不可用延齡謗毀百端竟罷贄相

### 書空作字

### 會親賦詩

合璧事類曰殷浩被黜談咏不輟雖家人

不見其流放之感但終日書空作咄咄怪事四字而已冊府元龜曰天寶五載左丞相李適之罷知政事李林甫構成其罪遂罷適命親故歡會賦詩曰避賢初罷相樂聖且銜杯為問門前客今朝幾個來

對

### 答失次

### 詞語不遜

冊府元龜曰德宗大曆十四年以喬琳為御史大夫平章事琳本粗

才年高有耳疾帝每顧問對答失次居相位凡八十餘日罷政事又曰懿宗乾符六年黃巢乞天平節鉞詔公卿議其可否宰相鄭畋盧攜爭論于中書詞語不遜俱罷為太子賓客

### 猿鳥為伍

狗

### 竇為門

合璧事類曰吳武陵與孟簡書曰柳子厚斥已十二年程劉二韓皆已拂拭獨子厚與猿鳥為

伍 又曰陸宣公至忠州土塞其門鹽菜  
由狗竇中入端坐抄藥方兒姪亦罕與語

屏除子孫

廢斥親舊

冊府元龜曰陸爽為太子洗馬子法言釋  
褐承奉郎初爽嘗奏高祖太子諸子更立

名字帝從之及太子廢帝追怒爽多事子孫宜屏除法  
言坐除名又曰鄭畋以書判拔萃授渭南尉大中朝  
白敏中令狐綯相繼秉政十餘年凡德  
裕親舊多廢斥之畋久不偕於士伍

黜免二

原黜伏

罪人  
黜伏

黜惡

禮簡不肖  
以黜惡

黜不端

威黜  
不端

黜乃

亂

楚太  
子

三已

令尹子文三  
已之無愠色

三違

事君三違不出境  
則利祿也雖曰不

要君吾  
不信也

左遷

左降

左轉

左授

增蘭陵令

史記

曰荀卿適楚春申君以為蘭陵令春申君死而荀卿廢

退修初服

離騷曰進不入以離尤兮

吾初服

坎壈

楚辭曰坎壈兮寒

居常鞅鞅

漢書曰漢高敖

韓信為淮陰侯居常鞅鞅羞與絳灌等列

原免歸田里

謝承後漢書

無賴被

斥

漢武故事曰西王母降東方朔于朱牖之中窺母母曰此兒無賴久被斥退也

增醉尉呵

止

漢書曰李廣贖為庶人屏居藍田南山中射獵還至亭灞陵尉醉呵止廣曰故將軍尉曰今將軍尚不得

夜行何乃故也

原上司空印綬

前漢何武為九卿後母在郡遣吏歸迎會成帝崩吏恐道

路有盜賊後母留止左右或譏武事親不罵

增失侯

家居

漢書曰楊惲失侯家居治產業以財自娛友人安定太守孫會宗予惲書言大臣廢退當閤門惶懼

為可憐之意不當治  
產業通賓客有稱譽

# 原上印綬還第

東觀漢記曰丁  
明代傳喜為大

司馬亦任職頗害賢寵及丞相王嘉死明甚憐之上寢  
重賢欲極其位而恨明如此遂冊免明上印綬還第

## 收丞相印綬

漢書曰王鳳怨王商陰事制曰勿治鳳固爭之遣  
書言王商陰事制曰勿治鳳固爭之遣

使者收丞相印綬商  
免相三日毆血而死

## 上印綬就第

前漢傳喜傳曰傅  
太后欲求稱尊號

與成帝母齊尊喜與丞相孔光大司空師丹共執正議  
傅太后大怒上不得已先免師丹以感動喜喜終不順

後數月還第免  
上印綬就第

## 免徙合浦

漢書曰王莽與傅隆交隆  
不甚附哀帝時莽秉政使

大司徒孔光奏隆為冀州牧陷無  
辜不宜處在中土免官徙合浦

## 徙歸故郡

後漢竇  
融長子

穆尚內黃公主代友為城門校尉穆子勲尚東海恭王  
疆女比陽公主友子固亦尚光武女涅陽公主顯宗即



位融在宿衛十餘年年老子孫縱誕多不法帝乃盡免穆等官諸實為郎吏者皆將家屬歸故鄉

西

歸故里

後漢馮衍傳帝懲西京外戚賓客故皆以法繩之大者抵死徙其餘至貶黜行由此得罪嘗自

詣獄有詔赦不問西歸故郡閉門自保不敢復與親故通

河水溢三公黜

京房云

三公以災異免

謝承後漢書曰安帝即位太尉徐防以災異冠賊策免

鳴舌遂

免

典略曰梁太后臨朝使梁冀下治山陵尚書樂巴上書欲勿令壞民冢太后詔曰巴小子弄口鳴舌遂免

官

李密作詩奏免

晉書曰李密有才能常望內轉而朝廷無援乃遷漢中太守自以失

分懷怨及賜錢東堂詔普令賦詩末章曰人亦有言有因有緣官無中人不如歸田明明在上斯語豈然武帝忿之於是都官僚位偶其隆替名節灌以隕落甄從事奏免密官

大義以明責反初服于私門

並潘岳西征賦

謝瞻種蔥免官

義熙十二年有司奏太常謝瞻四人還家種蔥免官

增恨破甑

世說曰鄧竟陵免官後見桓公

公問之曰卿何以更瘦鄧曰有愧于叔達不能恨于破甑

流汗失色

資治通鑑曰安城王

項以帝弟之重勢傾朝野為不法御史中丞徐陵為奏彈之文帝見陵章服嚴肅為飲容正坐陵進讀奏版時

項在殿上侍立仰視上流汗陵遣殿中御史引項下殿

畫衣裳為葵甲之象

冊府

元龜曰長孫平開皇中為相州刺史在州數年會正月十五日百姓大戲畫衣裳為葵甲之象帝怒而免之

鄭氏性悍

又曰楊素為御史大夫其妻鄭氏性悍素忿之曰我作天子卿定不堪為皇后鄭氏

奏之由是坐免

諷讀為務

又曰唐房玄齡仕隋補隰城縣尉漢王諒為逆坐除名徙上郡鬱鬱

不自得唯以諷讀為務

萬代不原

人曰權萬紀為治書侍御史奏宇文智及受隋厚恩而首

為弑逆人臣之所同疾萬代之所不原今其子乃任千牛侍衛左右請從屏黜制可之

思量不

能出家

又曰貞觀元年尚書左僕射蕭瑀坐事免廢於家瑀常請出家太宗謂曰甚知公素愛桑門今

不能違意瑀旋踵奏臣頃思量不能出家太宗怒之

不敢久在機密

又曰高宗永徽六年

以吏部尚書柳奭為遂州刺史奭后舅歷位中書令后既寵衰不敢久在機密

無所弘益

又曰

睿宗景雲元年同中書門下三品唐休璟致仕休璟在任無所弘益以老病罷歸私第

門客受

賂

又曰肅宗至德二年吏部尚書平章事房琯以門客琴人董廷蘭受賂罷相

麀頭鼠目

乃求官

又曰李揆肅宗乾元初秉政侍中苗晉卿累薦元載為重官揆自恃門望以載地寒意甚輕易

曰龍章鳳姿之士不可見麀頭鼠目乃求官及載登庸揆當徙職江淮養疾家復貧匱乞食取給

遺

私書

彙苑詳注曰呂胄遷禮部侍郎與裴延齡為姻家推其子操上第會入朝遺私謁之書于廷出為潭

州刺史

言得失黜官

韓愈集藍田縣丞廳壁記曰博陵崔斯立種學績文元和初以前大

再轉而為丞茲邑

觀王氏清歌

冊府元龜曰韓僧壽為上柱國有京

兆人達奚通妾王氏能清歌朝臣多相率觀之僧壽豫焉坐是除名

霖雨無功

又曰劉鄴罷知

政事自叙云霖雨無功深媿代天之用烟宵失路未知歸國之期帝為之惻然

在任恣誅求

又曰後唐韓知章為漢州刺史天咸四年以在任日恣誅求達于聖聰勒歸私第

斷獄謬誤

又曰勾龍階為陝州觀察判官清泰二年勒停追毀見任官牒以斷獄謬誤故也

以死為生

又曰晉李鼎為侍御史天福八年勅曰李鼎方居憲府合稟朝章豈可八月中喪妻十月後供狀欺公冒寵以死為生止停見任尚示寬恩

### 帶階官安置

朱子語錄曰本朝舊法貶謫人若是庶官亦須

帶別駕或司馬無有帶階官者今呂子約却是帶階官安置

### 輕似葉

李師中送唐介詩云去國

一身輕似葉高名千古重于山

### 一筆勾

資治通鑑曰范仲淹選監司取班簿視不才者一筆勾之

富弼曰一筆勾之甚易焉知一家哭矣仲淹曰一家哭何如一路哭耶遂悉罷之

### 黜免三

增詩唐張九齡酬宋使君見贈曰時來不自意夙昔謬  
樞衡翼聖輔明主妨賢媿友生罷歸猶右職待罪尚南

荆襄廢時所薄祇言寮故情 李白寄崔侍御曰黃河  
三尺鯉本住孟津居點額不成龍歸來伴凡魚 杜甫  
寄李白曰昔年有狂客號爾謫仙人筆落驚風雨詩成  
泣鬼神稻粱求未足意改謗何頻五嶺炎蒸地三危放  
逐臣幾年遭鵬鳥獨泣向麒麟蘇武先還漢黃公豈事  
秦楚筵辭醴日梁獄上書辰已用當時法誰將此義陳  
老吟秋月下病起暮江濱莫怪恩波隔乘槎與問津  
韓愈左遷至藍闕示姪孫湘曰一封朝奏九重天夕貶

潮陽路八千欲為聖明除弊事敢將衰朽計殘年雲橫

秦嶺家何在雪擁藍關馬不前知汝遠來應有意好收

吾骨瘴江邊白居易郡齋月下憶廬山草堂曰諫諍

知無補遷移分所當不能匡聖主祇合事空王龍象投

新社鴛鴦失故行沉吟辭北闕誘引向西方便住雙林

寺仍開一草堂平治行道地安置坐禪牀手板支為枕

頭巾閣在牆鄭谷送吏部曹郎中鄴免官南歸曰高

名向已求古韻古無儔風月拋蘭省江山向桂州賢人

知止足中歲便歸休雲鶴深相待公卿不易留滿朝張  
祖席半路上仙舟久別郊園改將歸里巷修桑麻勝祿  
食節序免鄉愁陽朔花迎權崇賢葉滿溝席春歡促膝  
簷日暖扶頭道暢應為蝶時來必問牛小生誠淺拙早  
歲便依投攀送偏揮灑龍鍾志未酬 宋徐鉉貶官秦  
州出城作曰浮名浮利信悠悠四海干戈痛主憂三諫  
不從為逐客一身無累似虛舟滿朝權貴皆曾忤繞郭  
林泉已徧遊惟有戀恩終不改半程猶自望城樓 蔡



持正夏日登車蓋亭曰紙屏石枕竹方牀手倦拋書午  
夢長睡起莞然成獨笑數聲漁笛在滄浪 黃庭堅跋  
東坡和陶詩曰東坡謫嶺南時宰欲殺之飽喫惠州飯  
細和淵明詩淵明千載人東坡百世士出處雖不同氣  
味乃相似 明楊基送李琴川謫臨海曰南風雨來塵  
作泥稻花豆莢生初齊一人失意解官去席上衆賓顏  
色低輜車欲發未忍別感慨握手立大堤

增序唐李白送趙四流炎方序曰趙少公才貌瓌雄志

氣豪烈以黃綬作尉亦猶雞棲鶴籠不足以窘束鸞鳳  
耳以疾惡抵法遷于炎方辭高堂而墮心指絕國而搖  
恨天與水遠雲連山長黃鶴曉別愁聞命子之聲青楓  
暝色盡是傷心之樹

增記明蘇伯衡南華謫居圖記曰洪武元年國子祭酒  
許先生謫韶州即唐宰相張文獻公祠以居祠在州城  
之北而城南有山曰南華直乎祠之前其岡巒起伏草  
木行列朝霏夕靄不出戶域可以盡得之先生著書閤

暇時時臨眺而樂焉夫以文學侍從之賢一旦以微言而遠謫嶺海間去親戚而伍夷獠人將不勝其戚戚先生不惟不戚戚且安而樂有終焉之志此其學問之過人為何如吾祖文忠公之安置惠州自言譬如元是惠州秀才累舉不第北歸之望已絕方自肆於山水之間惟日不足何曾以謫為意也今先生之志豈不猶吾祖哉不然蠻邦窮裔連山複壁蛇蟲之所潛瘴厲之所聚此羈人遷客之所以悲思無聊而不勝者又何足樂也

增祭文唐韓愈祭柳子厚文曰凡物之生不願為材犧  
尊青黃乃木之災子之中棄天脫羈羈玉佩瓊琚大放  
厥詞富貴無能磨滅誰紀子之自著表之愈偉不善為  
斲血指汗顏巧匠旁觀縮手袖間子之文章而不用世  
乃令吾徒掌帝之制

有罪復用一

原秦赦孟明之罪

魏尚舉繫獄

魏尚有罪繫獄馮唐舉之拜雲中太守匈奴

奴畏之

宣室詔入

賈誼謫居長沙後歲餘文帝思誼徵還上在宣室詔誼入語

拜

韓安國

安國下獄免官後起于獄中拜梁內史

死灰復然

漢韓安國坐法抵罪獄吏

田甲辱安國安國曰死灰獨不復然乎未幾拜梁內史

增召為淮陽

漢書曰汲黯坐免官

隱于田園者數年召為淮陽太守

原用尚方禁

朱博字子元為左馮翊詔長陵大姓尚方

禁面上是何等瘡癥禁具首服盜人妾見斫博曰馮翊欲灑卿恥技拭用卿禁曰願効死也

張敞

起亡命

張敞有罪詣闕上印綬即從闕下亡命後冀州有賊盜詔敞加拜冀州刺史

漢牧

竇憲之功

增從祀泰山還笏

隋書曰張威在青州侵擾百姓坐廢于家後從

上祠泰山上曰今還公笏於是復拜洛州刺史

六載然後聽仕

唐六典曰流移之人皆不

得棄故妻妾及私遁還鄉至六載然後聽仕

使功不如使過

孔帖曰李靖字藥師開州

蠻冉肇則寇夔州趙郡王孝恭戰未利靖率兵八百破  
其屯要險設伏斬肇則俘禽五千帝謂左右曰使功不  
如使過  
豈可高枕鄉邑

冊府元龜曰薛仁貴上元中  
坐事徙象州赦歸高宗思其

功尋復召見謂曰北伐九姓東擊高麗漢北遼東咸遵  
聲教者並卿之力也卿雖有過豈可相忘今西邊不靜  
瓜沙路絕卿豈可高枕鄉邑不為  
依舊金紫

又曰明  
皇先天

初劉幽求為右僕射以太平公主將謀逆亂與右羽林  
將軍張暉請誅之暉洩其謀睿宗下幽求等詔獄流封  
州歲餘太平公主等伏誅其日詔曰劉幽求義以臨事  
精能貫日茂勲立艱難之際嘉謀盈啓沃之初既殄羣  
凶方宣大化期問政於經始載登賢于夢  
卜可依舊金紫光祿大夫守尚書右僕射  
興哀垂德

宰相哀其才

孔帖曰劉禹  
錫字夢得始

之地垂德於不報之所

坐叔丈貶憲宗欲終斥不復乃詔雖後更赦不得原然  
宰相哀其才將濬淮用之會程昇復起領留務乃詔禹

錫等補遠

下江南圖

山堂肆考曰宋曹翰太祖時名將也太宗朝貶汝州有中使至

州刺史

翰泣謂曰衆口乏食貧不能活以祿封故衣一包願質  
錢十十中使回奏太宗開視乃一畫障題曰下江南圖

帝惻然憐之乃召還

言事無避如前

問奇類林曰唐介為御史以言事謫潭州倅改知復

州未至召充言事御史帝曰知卿被謫以來未嘗以私  
書至京師可謂不易所守公頃首謝退就職言事無避

如前 暫著南冠

蘇軾詩曰暫著南冠不  
到頭却隨北雁與歸休

復佩銀

又曰  
初起

湘纍復  
佩銀

活焦枯

黃庭堅詩曰昨夜風雷震  
海隅天心急擬活焦枯

原棄璫

錄用 責功補過 重以才難 許其功贖

有罪復用二

增詩唐司空曙酬張芬赦後見贈曰紫鳳朝銜五色書  
陽春忽布網羅除已將心變寒灰後豈料先生腐草餘  
元陳櫟送汪希道入都曰行行觸秋暑勇往觀國光  
修途或濡滯一瞬北風涼不仕十餘年養親竈罕煬將  
謁吏部選寸祿願少償庶略助甘旨贖其不遑將不仕  
果何因憲幕嘗翱翔驅馳海南北訊獄主慈祥詿誤陷  
賊黨詰問加精詳活千七百人解縱還善良幾以失出



譴究竟靡濫臧久之天日開歲月坐荒荒濂溪范參父  
議獄俱慨慷殺人求媚人母乃欺穹蒼活千人有封君  
後必當昌安得當吾世而不蒙薦揚當路願鑒之萱草  
癯北堂俾得早言歸為養及壽康臨期重丁寧白雲遙  
在望

增制唐陸贄奉天改元大赦制曰李希烈田悅王武俊  
李納等有以忠勞任膺將相有以勲舊繼守藩維朕撫  
馭乖方信誠靡著致令疑懼不自保安兵興累年海內

騷擾皆由上失其道而下罹其災朕實不君人則何罪  
其李希烈等一切並與洗滌各復爵位待之如初仍即  
遣使分道宣諭朱滔雖與賊泚連坐路遠未必同謀朕  
方推以至誠務欲弘貸如能效順亦與維新人之行業  
或未必兼構大厦者方集於羣材建奇功者不限於常  
檢苟在適用則無棄人況黜免之人沉鬱既久朝過夕  
改仁何遠哉 白居易授澧州刺史李肇郢州刺史王  
湓朗州刺史溫造等制曰乃者李景儉使酒獲戾而肇

等與之會飲失於檢慎宜有所懲由是左遷分為郡  
守今首坐者既復班列緣累者亦當徵還但以長吏數  
易為弊頗甚况聞三郡皆有政能人方便安不宜遷換  
故吾以來章階級並命而就加之

增碑唐楊炯原州百泉縣令李君神道碑曰武德六年  
轉仲山甫左列南州舊俗淫其白獸之祠西熨餘肱背  
吾黃龍之約王師直進陵劒機以長驅廟略遐宣捐銅  
丘而決勝七年詔君討襲楓天棗地金門玉帳之營方

卦圓著剡木弦弓之射一鼓而擒四姓三戰而平百濮  
其年加上大將軍而俄以爭功得罪游俠從君特降王  
綸遐遷騰府通塞有命潘安仁之緒言富貴在天卜子  
夏之餘論無諧封禪空歎息於周南絕望夏臺竟棲遲  
於漠北太宗承聖皇之大寶奉天帝之休期雷雨八瀛  
光華四極旌賢赦過惟新之命屢覃念功簡勞惟舊之  
恩累洽授長樂監仍命於北門供奉宜春禁苑太液神  
池浸石菌而揚波濯金莖而挹露南經丹徼恒陪萬乘

之遊北統黃山再奉三驅之禮



御定淵鑑類函卷一百二十四

# 欽定四庫全書

子部

御定淵鑑類函卷一百二十五

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣馮培

謄錄監生臣高應龍

欽定四庫全書

御定淵鑑類函卷一百二十五

政術部四

論政

立政

善政

吏久從政

論政一

原釋名曰政正也下所取正也

禮記曰聖人南面而

聽天下所宜先者五一曰治親二曰報功三曰舉賢四

曰使能五曰存愛

察有仁愛者也

五者一得於天下民無不足

不贍者尚書曰凜乎若朽索之馭六馬大戴禮曰

德法者御民之銜勒也吏者轡也刑者策也天子御者  
內史太史左右手也古者以法為銜勒以官為轡以刑  
為策以人為手故御天下數百年而不解惰 增又曰  
曾子曰敢問不費不勞以為明乎孔子愀然揚眉曰參  
汝以明主為勞乎舜左禹而右皋陶不下席而天下治  
原論語曰君子篤於親則民興於仁故舊不遺則民  
不偷 增左傳曰季札聘於鄭謂子產曰鄭之執政者  
侈難將至矣政必及子子為政慎之以禮不然鄭國將



敗 原管子曰國有四維一維絕則傾二維絕則危三  
維絕則覆四維絕則滅傾可正危可安覆可起滅不可  
得復也四維一曰禮二曰義三曰廉四曰恥 又曰堯  
舜之民非生而治桀紂之民非生而亂故治亂在上

又曰聖君設度量置儀法如天地之堅如列星之固如  
日月之明如四時之信然故令往而民從之 增又曰  
凡赦者小利而大害也故久而不勝其禍無赦者小害  
而大利也故久而不勝其福 原晏子曰景公問治國

何患對曰患社鼠社有鼠不可灌人君之左右出則賣

重寒熱入則矯謁收利 增又曰齊侯問於晏子曰為

政何患對曰患善惡之不分公曰何以察之對曰審擇

左右左右善則百僚各得其所宜而善惡分孔子聞之

曰此言也信矣 原老子曰治大國若烹小鮮 增又

曰聖人無恒心以百姓心為心善者吾善之不善者吾

亦善之信者吾信之不信者吾亦信之 原商君書曰

凡人主所以勸民者官爵也國之所興者農戰也令民

求官爵皆不以農戰而以巧言虛道也此為勞民勞民者其國必無力無力者其國必削又曰善治者使盜跖可信不能治者使伯夷可疑韓子曰夫堯生在上位雖十桀紂不能亂者勢治也桀紂亦生在上雖有十堯舜而不能治者勢亂也陸賈新語曰君子為治也混然無事寂然無聲官府若無人亭落若無吏郵無夜行之卒鄉無夜召之征耆老甘味於堂丁男耕耘於野淮南子曰治國者若耨苗去害田而已今沐者墮髮

而猶為之不已以其所去者少所利者多也 又曰治

國之道工無偽事農無遺力士無諂行官無失法譬若

設網者引其綱而萬目張

又曰張琴瑟者小絃絙

絙者

急也而大弦緩立事者賤者勞而貴者逸也舜為天下彈

五絃之琴歌南風之詩周公有饁不徹於前鐘鼓不解

于懸而四夷服嬴秦政

政秦始皇名也

畫決獄夜理書御史冠

盖相接於道成五嶺以脩越

五嶺鍾城之嶺九疑之塞番禺之都南野之界射干

之水築修城以守胡然姦邪萌生而亂愈滋 又曰太清

之始天覆以德地載以樂四時不失其序風雨不降其

虛日月淑清而揚光五星循軌而不失行鳳麟至著龜

兆甘露下竹實滿流黃出朱草生

滿成也流黃土精也朱草生于庭皆瑞應

也逮至衰世松栢筓籥宛而夏槁江河山川絕而不流

夷羊在牧

夷羊土神也殷之將亡見于南郊也

飛蛭滿野

蛭蟬蔑蒙屬

又曰

楚王問詹何曰治國奈何詹何曰何明於治身不明于

治國楚王曰寡人得奉宗廟社稷願學所以守之詹何

對曰臣未嘗聞身亂而國治者也故本身不敢對以末

楚王曰善 增孔叢子曰田駢以道術說齊王王曰願  
聞國之政駢對曰臣之言無政而可以為政譬若林木  
無林而可以為林願王察其所謂而自取齊國之政焉  
天地之間六合之內可陶冶而變化也齊國之政何足  
問哉 又曰法之生也以輔仁義重法而棄義是貴其  
冠履而忘其頭足也故仁義者為厚基者也不益其基  
而張其廣者毀不益其基而增其高者覆 原史記曰  
齊威王召即墨大夫而語之曰自子之居即墨也毀日

至然吾使人視即墨田野闢民人給官無留事是子不  
事吾左右以求譽也封之萬家召阿大夫語之曰自子  
之守阿譽日間矣然使使視阿田野不闢民貧苦是子  
以幣享吾左右以求譽也是日烹阿大夫及左右嘗譽  
者於是齊國震懼人不敢飾非 增又曰陸賈時時稱  
說詩書高帝罵之曰乃公居馬上得之安事詩書賈曰  
居馬上得之寧可以馬上治之乎且湯武逆取而順守  
文武並用長人之術也 原說苑曰政有三品王者之

政化之霸者之政威之強國之政脇之夫此三者各有  
所施而化之為貴矣化之不變而後威之威之不變而  
後刑之夫至於刑則非王者之所貴也 新序曰臧孫  
行猛政子貢非之曰夫政猶張琴瑟也大絃急則小絃  
絕矣是以位尊者德不可以薄官大者治不可以小地  
廣者制不可以狹民衆者政不可以苛獨不聞子產相  
鄭乎其掄材惟賢抑惡而揚善故有大略者不問其所  
短有德厚者不非其小疵其牧民之道養之以仁教之



以禮因其所欲而與之從其所好而勸之賞之疑者從

重罰之疑者從輕 增論衡曰魏文侯使西門豹往于

鄴告之曰耳聞之不如目見之目見之不如足踐之足

踐之不如手辨之人始入官如入晦室久而愈明明乃

治治乃行 魏何曾上明帝疏曰漢宣曰百姓所以安

其田里而無歎息愁恨之心者政平訟理也與我共此

者其惟良二千石乎此誠可謂知政之本也 晉劉頌

受詔疏曰善為政者網舉而網疎網舉則所羅者廣網

疏則小必漏所羅者廣則為政不苛此為政之要也

唐書曰陳子昂上書言元氣者天地之始萬物之母王政之大端也天地之道莫大乎陰陽萬物之尊莫大乎黔首王政之貴莫大乎安人故人安則陰陽和陰陽和則天地平而元氣正矣 宋史歐陽修傳曰或問為政寬簡而事不弛廢何也曰以縱為寬以略為簡則政事弛廢而民受其弊吾所謂寬者不可苛急簡者不為繁碎

耳

## 論政二

原審禮

履事

權衡誠懸不可欺以輕重繩墨誠陳不可欺以曲直規矩誠設不可欺以方圓

君子審禮不可誣以姦詐  
不履其事則亂也禮

化人

知賢

以道化人而人善矣列

子曰治國之難在知賢

去煩

貴簡

讒慝黜遠去煩省善莫不競勸用賢理不肖用貴理

賤叔梁云應璩詩曰治  
化貴簡易法令不欲多

遺愛

絕私

子產古之遺愛尹翁歸

抱公絕私

徵令

軌物

宰夫徵百官之令注徵召所為

貴清淨

飾儒

雅

漢曹參為齊相有蓋公好黃老術曰貴清淨人自正參避堂以舍之齊大治也張敞緣飾以儒雅

酌人言

求民瘼

酌人言以為政糾職求民之瘼瘼病也

禁末產

如農功

管子曰未產不禁則民無恥政如農功日夜思之

務三政 釐百工

政不可不慎務三而已一曰擇人二曰因民三曰從時 允釐百工釐治也

觀淑慝 除

苛虐

觀政淑慝謂旌別淑慝除其苛虐

德教行政 法令為師 孝經曰成

其德教以行其政令 薛宣不教子吏事乃曰政者以法令為師能與不能自有資材何可學也 寬

猛相濟

法令滋彰

寬猛相濟政是以和令滋彰盜賊多有老子

使民

以時 官人以序

論語虞預

廉善廉能 足食足兵 周禮曰樊

羣吏之治一曰廉善二曰廉能注云皆以廉為本 論語足食足兵民信之矣

不躬不親

弗剛弗柔

不躬不親庶人弗信弗剛弗柔厥德允修

庶績咸熙 彝倫攸

敘

熙和也並尚書

如璽印塗

猶金在鎔

呂氏春秋曰民之從上如璽印

塗董子曰下之從上猶金在鎔

悅近來遠

親仁善隣

家語呂氏春秋

無反無側

不放不忘

書鬼谷子

刑肅而俗弊

法

出而姦生

禮記董子

擇可勞而勞之

因所利而利之

並論語

臨下以簡

安民則惠

稱物平施

振民育

德

政清吏肅

事簡民安

事舉其中

化行於上

增九功

三德

尚書禹曰於帝念哉德唯善政政在養民水火金木土穀唯修正德利用

厚生唯和九功唯敘九敘唯歌戒之用休董之用威勸之以九歌俾勿壞

又箕子曰又用三德一曰正直二

曰剛克三

曰柔克

九敘

八政

上詳九功注

尚書曰三

食二曰貨三曰祀四

曰司空五曰司徒六曰

司寇七曰賓八曰師

財成

參伍

周易曰天地交泰后以財成天

地之道輔相天地之宜以左右民

孔叢子曰昔者五

帝三王之治政施教必用參伍何謂參伍仰取象於天

俯取度於地

平易

恭敬

史記周公曰政不簡不易民不近平易近民民必歸

中取法於人

之經濟類編曰子路治蒲見於孔子曰由願受教孔

子曰恭以敬可以攝勇寬以正可以容衆恭以潔可以

親製錦置器左傳曰子皮欲使尹何為邑曰使夫

有美錦不使人學製焉大官大邑身之所庇也而使學

者製焉其為美錦不亦多乎賈誼疏曰人之置器置

諸安處則安置諸危處則危天下之

情與器無以異在天子之所置之

虛心

強骨

老子

曰聖人虛其心實其腹弱其志強其骨

魚鯁

馬敗

文子曰水濁則魚鯁政苛則民亂

太平御覽崔鴻前涼錄曰張天錫時少府長史紀瑞上疏論時政曰臣聞東野善馭而敗其駕秦氏富強而覆其國造父之御不盡其馬虞舜之治不窮其人故造父無失御虞舜無失人

囊魚

肥羊

韓非子曰善張網者引其綱若一一攝萬目而後得則勞而難引其綱而魚已囊矣吏者民之本綱也故聖人治吏不治民史記曰漢卜式出貲助邊不願為郎上曰吾有羊在上林中欲令子牧之式既為郎布衣草蹠而牧羊羊肥息上善之式曰非獨羊也治民亦猶是矣

如金石

譬琴瑟

賈誼疏曰

慶賞以勸善刑罰以懲惡先王執此之政堅如金石董仲舒策曰為政不行甚者必變而更化之譬諸琴瑟不調甚者必解而更張之

木有根

泥在鈞

國語曰國主之有民猶木之有根根深

則本固董仲舒策曰臣聞堯舜行德則民仁壽桀紂行暴則民鄙夭夫上之化下下之從上猶泥之在鈞惟甄者之所為士無邪鬼不神管子曰凡牧民者使士無邪行女無淫事老子曰

以道涖天下者其鬼不神

御黠馬

治亂繩

彙苑詳注曰張敞問弟武何以治梁武不

敢言敞使吏送至關戒吏自問武曰御黠馬者利其銜策梁國大都吏民凋敝且當以柱後惠文彈治之耳吏還道之敞曰必辦治

梁矣下詳第三條

貴知變

疑不類

彙苑詳注曰崔郾治邾以

寬經月不咎一人及治鄂則嚴法峻誅不貸或問之曰邾土瘠而民勞吾撫之猶恐其擾鄂土沃民剽賊夷俗非用威莫能治政所以貴知變也又曰柳仲郢為京兆政嚴明後出河南以寬惠為政或疑不類曰輦轂之下先彈壓郡縣

若之何毀

不能無謗

左傳曰鄭人遊於鄉校以



論執政然明謂子產曰毀鄉校何如子產曰夫人朝夕遊焉以議執政之善否其所惡者改之吾師也若之何毀之孔叢子曰古之善為政者其初不能無謗子產相鄭三年而後謗止吾先君之相魯三月而後謗止

### 損上益下

#### 懸賞設法

易曰損上益下民說無疆後漢書桓譚上疏曰張官置

吏以理萬民懸賞設法以別善惡惡人誅傷則善人蒙福矣

### 三載考績 六計弊

吏合璧事類曰唐虞有三載考績之法而熙庶績周人有六計弊羣吏之治而皆以廉為本無非所以為吏

治之政也

## 論政三

原政如冰霜姦軌消亡

云舜

辨上下定民志

何以守

位曰仁何以聚人曰財 容民畜衆 危以動則民不

與易

增建萬國親諸侯

又曰地上有水比先王以建萬國親諸侯

神道

設教

又曰聖人以神道設教而天下治矣

原惟辟奉天

道有升降政

由俗草

德惟善政政在養民

不貴異物民乃足不

寶遠物則遠人格

書

增克艱

又曰后克艱厥后臣克艱厥臣政乃乂黎民敏

德

與治同道

又曰德惟治否德亂與治同道罔不興與亂同事罔不亡

學古入

官

又曰學古入官議事以制政乃不迷

勿貳勿疑

又曰任賢勿貳去邪勿疑

原政

必本天

以四時為柄以日星為紀

欲治其國先齊

其家 政者君之所藏 為政在人 治國不以禮猶

無耜而耕 食節事時 齊其政不易其宜修其教不

易其俗 官職相序君臣相正 與其食浮於人寧使

人浮於食 四達不悖則王道備 政不正則君臣危

禮記 增聲音與政通 又曰治世之音安以樂其政和亂世之音怨以怒其政乖聲音之道

與政通矣 原案名察實選才去能 禮周 民從上所行 為

政以德 道之以政齊之以刑民免而無恥道之以德

齊之以禮有恥且格 節用愛人 必聞其政 刑罰

不中無所措手足

論語

先之以博愛而民莫遺其親先

之以敬讓而民不爭導之以禮樂而民和睦示之以好

惡而民知禁陳之以德義而民興行其教不肅而成

其政不嚴而治

並孝經

人道敏政

如蒲蘆

為政也者蒲蘆也言

如桑蟲變化

人道為大

子曰人道政為大

裁國無利器猶鉛刀

而割

阮子

任賢使能

利而勿害

貪利則治道乖通

利則君道章

因任而授官循名而責實

周書

禮樂治

之粉澤

弗富不足無人不興無以合親

緩法重刑

非治平之理

民怨者傷國

六韜

為國富民

帝王富

民野與市爭民家與府爭貨

若饑魚之歸餌渴馬

之赴泉漫於政者害於國

四維不張國乃滅亡

管子

達民之情然後從命

崇道貴德則聖人自來任能

黜否則官府理治

家語

不尚賢使民不爭不貴貨使民

不盜

老子

增悶悶淳淳

又曰其政悶悶其民淳淳其政察察其民缺缺

原國

有二柄

術者主之所執

勢者君之輿威者君之策

國者君之輿勢者君之馬

以一國目視故視莫明焉

以一國耳聽故聽莫聰焉 賞罰國之粉黛 託是非

於賞罰屬輕重於權衡 官爵以利民 守我理因自

然 因能受祿莫敢索官 利君之祿焉得不報 利

以得民 不以智累心不以私累世不吹毛而求疵不

洗垢而索瘢 四疑不破損身失國 韓子 堯舜不易民

而治治桀紂不易民而治亂 荀子 勿鹵莽 莊子曰 治

有四術 尸子 上之所為民之歸也 引其紀萬目起引

其綱萬目張 禮以體政政以正民 務德而安民

利以安之

利以平民

物有其官

官修其方

呂氏春秋

四民用足則國家安

黃石公

增芒及斤斧

賈誼疏曰仁義恩厚

人主之芒及也權勢法制人主之斤斧也

原下之從上猶金在鎔

琴瑟

不調必解而更張為政不行必變而更化

董子

王者藏

於天下諸侯藏於百姓

韓詩

治國無若五音

史記

治有

二機

政有三品

治民如御奔馬

說苑

治亂民猶治

亂繩

漢書

治煩事如治亂髮

傳

增在吾所以為政

魏志

曰袁渙字曜卿為梁相每勅諸縣曰世治則禮脩世亂則禮簡方今難以禮化在吾所以為政

原振

表持領舉網收網

治化貴簡易法令不欲多

應璩

政

有細目法有大綱

廣論

知之者昌不知者亡

吏不徇

功民不私力

王粲務本論

綜核人才官方任能

晉書

各勤

其官以久其任

官少則精精則職理

並桓溫

民非賢

則不治俗非智則不振

杜預

取諸兩儀

必修諸已以

光四海

抱朴子

罷無益之巧棄難得之貨

潘尼

政寬則

姦易禁政急則姦難絕

物理論

政道有三

魏書

因事施

公仍便效才 民勞者傷國

劉子

可以觀政

教之以



德則民有格心 齊之以刑則民有遜心

論政四

原表魏武帝陳損益表曰陛下即昨復蒙試用遂受上將之任統領二州內參機事實所不堪昔韓非閔韓之削弱不務富國強兵用賢任能臣以區區之質而當鐘鼎之任以闇鈍之才而奉明明之政顧恩念責亦臣竭節授命之秋也謹條遵奉舊訓權時之宜十四事奏如左庶以蒸螫增明太陽言不足採 魏曹植降江東表

曰臣聞士之羨永生者非徒以甘食麗服宰割萬物而  
已將有以補益羣生尊主惠民使功存於竹帛名光於  
後嗣今臣文不昭於俎豆武不習於干戈而竊位藩王  
尸祿東夏消損天日無益聖朝淮南尚有山竄之賊吳  
會猶有潛江之鹵使戰士未獲歸於農畝五兵未得戢  
於武庫蓋善論者不恥謝善戰者不羞走夫凌雲者泥  
蟠者也後申者先屈者也是以神龍以為德尺蠖以昭  
義昔湯事葛文王事昆夷固仁者能以大事小若陛下

遣明哲之使繼能陸賈之蹤者使之江南發愷悌之詔  
張日月之信開以降路權必奉聖化斯不疑矣

增議晉潘岳九品議曰天生蒸民而樹之君使司牧之  
勿失其性君不獨治於是乎建牧立監陳其輔佐故曰  
天工人其代之然則高官厚祿非明崇賢所以興治卑  
位下役非為鄙愚所以供職雖或開榮辱之門有爭競  
之弊而百王莫之能易者此道不可以二故也方今天  
下隆平四海攸同薦賢達善各以類進夫觀民宣化為

治之本雖實小邑猶須其人又中正之身優劣懸殊苟知人者智則不知者謬矣莫如達官各舉其屬方獄九列朝所取信郡守雖輕有刺史薦舉之當否實司其事考績累名施黜陟焉進賢受賞不進賢甘戮沮勸既明則人自為謀庶公道大行而私謁息矣

原論後漢崔寔政論曰自堯舜之帝湯武之王皆賴明哲之佐博物之臣故臯陶陳謨而唐虞以興伊箕作訓而殷周以隆及繼體之君欲立中興之功者曷嘗不賴

賢哲之謀乎凡天下之所以不治者常由世主承平日  
久俗漸弊而不悟政寢衰而不改是以受命之君每輒  
創制中興之主亦匡時失俗人拘文牽古不達權制奇  
偉所聞簡忽所見焉可與論國家大事哉孝宣皇帝明  
於人君之道審於為政之理故嚴刑峻法破姦宄之膽  
海內清肅天下謐如嘉瑞並集屢獲豐年薦勲祖廟享  
號中宗算計見效優於孝文元帝即位多行寬政卒以  
墮損威權始奪遂為漢室基禍之主治國之道得失之

理於斯可以鑒矣昔孔子作春秋褒齊桓懿晉文歎管仲之功夫豈不美文武之道哉誠達權救弊之理也故聖人能與世推移而俗士苦不知變以為結繩之約可復治亂秦之緒干戚之舞足以解平城之圍文帝乃除重刑非輕之也以嚴制平非以寬制太平也王符潛夫論曰夫為國者以富民為本以正學為基民富乃可以教學正乃得以義民貧則背善學淫則詐偽明君之法務此二者以為太平之基致休徵之隆夫富民者以

農桑為本以遊業為末百工者以致用為本以巧飾為  
末商賈者以通乏為本以鬻貨為末三者守本則民興  
富國之所以為國者以民也治國之日舒以長故其民  
閒暇而力有餘亂國之日促以短故其民困務而力不  
足所謂治國之日舒以長者非能請義和而令安行也  
乃君明察而百官理民安靜而力有餘故視日長也所  
謂亂國之日促以短者非能謁義和而令疾驅也乃君  
暗則百官亂而姦宄興細民懷賄而趨走故視日短也

魏王粲儒吏論曰士同風於朝農同業於野雖官職  
務殊地氣異宜然其致功成利未有相害而不通者也  
至乎末世則不然矣執法之吏不闕先王之典縉紳之  
儒不通律令之要彼刀筆之吏豈生而察刻哉起於几  
案之下長於官曹之間無溫裕文雅以自潤雖欲無察  
刻弗能得矣竹帛之儒豈生而迂緩也起於講堂之上  
遊於鄉校之中無嚴猛斷割以自裁雖欲不迂緩弗能  
得矣先王見其如此也是以博陳其教輔和民性達其



所壅祛其所蔽吏服雅訓儒通文法故能寬猛相濟剛柔自克也

增說明蘓伯衡空同子瞽說曰三代之後取天下不必皆由仁義其才智高出於天下則取之矣至於維持天下係乎風俗維持風俗係乎政教則無古今一也故政教之得失風俗之美惡乃天下安危存亡之所係而國勢之強弱弗與焉何以知其然邪西漢十有二君而其六君者賢君也成哀雖失德然禍不及民其國勢可謂

強固難動而王莽以斗筭穿窬之材不下陞而取之所  
以然者由高帝自謂得之馬上安事詩書其政教不修  
其風俗不美也東漢自安順以下日入於衰亂而桓靈  
之虐與三季之主無大相遠宜其勢之易動而董卓呂  
布袁紹袁術皆有絕人之姿曹操功蓋當世而才百倍  
於莽此數人者莫不竭其智力而終莫能得焉所以然  
者由世祖敦尚學術興厲名節以表正之明帝開設學  
校尊禮師傅以作新之政教修於上風俗美於下也然

則政教風俗之於天下豈細故哉時君世主之務宜莫此之急矣或者乃以為取天下既無難則保天下宜亦易易然而於凡大閑漠不留意也可乎哉

立政一

原都鄙有章

上下有服

呂氏春秋

考政法

覘治亂

家語

除怨惡

同好善

周禮合方氏

取誠信

去詐偽

周禮

角斗甬

正權槩

月令

市廛不稅

關譏不征

用地

大小

視年豐耗

並王制

申畫郊圻

表厥宅里

書

春入貢 秋獻功

稽其功緒 糾其德行

以上並周禮

增惟其人

施有政

尚書曰唐虞稽古建官惟百內有百揆四岳外有州牧侯伯庶政惟

和萬國咸寧夏商官倍亦克用又明王立政不惟其官惟其人又曰君陳惟爾令德孝恭惟孝友于兄弟克

施有政命汝尹

督生徒

給厨餼

韓愈潮州請置鄉校牒曰此州學廢

茲東郊敬哉

日久趙德秀才沈雅專靜頗通經有文章請攝海陽縣尉為衙推官專勾當州學以督生徒興愷悌之風刺史

出已俸百千以為舉本收

明罰勅法

莫麗陳教

易曰

其贏餘以給學生厨餼

先王以明罰勅法

尚書曰昔君文王武王宣

九功

重光莫麗陳教則

肆肆不違用克達殷集大命

九叙 庶獄庶慎

尚書曰水火金木土穀惟修正德利用厚生惟和九功惟敘九敘惟歌

又曰周公曰嗚呼孺子王矣  
相我受民和我庶獄庶慎

不易其俗 以率其怠

禮記曰齊其政不易其俗  
韓愈集曰為之政以率其怠

春生秋殺 陽開陰閉

韓愈集曰中書舍人太原王公為御史中丞觀察江南  
西道八州之人前所不便及所願欲而不得者公至之  
日皆罷行之春生秋殺陽開陰閉令修於庭  
戶數日之間而人自得於湖山千里之外

## 立政二

原璿璣七政

書

增舊人共政

又曰古我先王亦  
惟圖任舊人共政

原

洪範八政 增咸熙

允釐百工  
庶績咸熙

原明王立政 小國

事大國大國庇小國

罪疑惟輕

功疑惟重

殖有

禮覆昏暴

三載考績三考黜陟幽明

尚書

乃施典於

邦國

周禮

乃施則於都鄙

以六典治邦國

注曰一治典二教典

三禮典四政典

以八法治官府

注曰一官屬二官職三官聯四官常五官

五刑典六事典

成六官法七官刑八官計

以八則治都鄙

注曰一祭祀二法則三廢置四祿位五賦貢六

禮俗七刑賞八田役

以八柄馭羣臣

注曰一曰爵二曰祿三曰予四曰置五曰生六曰奪

七日廢八曰誅

以八統馭萬民

注曰一親親二敬故三進賢四使能五保庸六尊貴七達

吏八禮賓

以九職任萬民

注曰一三農二園圃三虞衡四數牧五百工六商賈七嬪婦八

臣妾九閒民

以九式均節財用

注曰一祭祀二賓客三喪荒四羞服五工事六幣帛

七易林八匪  
頌九好用

以九兩繫民

注曰一牧二長三師四儒  
五宗六主七吏八友九數

以六敘正羣吏

注曰一正其位二進其治三作其  
事四制其食五受其會六聽其情

以六聯合邦治

注曰一祭祀二賓客三喪  
荒四軍旅五田役六歛弛

以八成經

邦治

注曰一政役二師田三閭里四稱  
責五祿位六取予七賣買八出入

以荒政十有

二聚萬民

注曰一散利二薄征三緩刑四弛力五舍禁  
六去幾七青禮八殺哀九蕃樂十多昏十一

索鬼神十  
二除盜賊

頌職事十有二於邦國都鄙使以登萬民

注曰一稼穡二樹藝三作材四阜蕃五飭材六通材  
七化材八歛材九生材十學藝十一世事十二服事

以鄉三物教萬民

注曰一曰六德二  
曰六行三曰六藝

以嘉石平罷民

注曰嘉石丈石也樹之外  
朝門左平成也成之使善

以肺石達窮民

注曰肺石赤石也窮

民天民之窮而無告者

以阜人民以蕃鳥獸

周禮司徒職

通其財

利

周禮合方氏

為封邱之度

周禮冢人職

掌邦之委積以待

施惠鄉里之委積以恤民之難阨門闕之委積以養孤

老郊里之委積以待賓客野鄙之委積以待羈旅縣都

之委積以待凶荒

周禮遺人

以稍聚待賓客以甸聚待羈

旅

周禮委人掌斂野賦以待羈旅過客

齊八政以防淫一道德以同

俗

並禮

刑仁講讓

禮運

同律禮樂制度量入以為出制



國用必於歲之杪

量地以制邑度地以居民

並王制

完隄防謹壅塞以備水潦

月令

安民立政

周書

行其政

教

論語

制送死之節

家語

增父其父子其子

又曰孔子謂必子賤

曰子治單父而衆悅語邱所以為之者曰不齊父其父子其子

原行之以禮守之以

信使之以和臨之以敬

並左氏

有勲不廢有績而載

呂氏春秋

月省時考歲終報功

淮南子

立之以長幼齊之

以君臣厲之以義敦之以仁

並杜預七規

增為客主禮

韓愈集曰今上初故宰相常衮為福建諸州觀察使衮以文辭進有名於時又作大官臨蒞其民鄉縣小民有

能誦書作文辭者家  
親與之為客主之禮

建庠序

宋史宗澤傳曰調衢州龍游令民未知學澤為

建庠序設師儒講論經術風  
俗一變自此擢科者相繼

峙糧儲治戎器

元史阿爾哈雅

傳云天歷元年命鎮汴省時常艱難之際阿爾哈雅高  
價糴粟以峙糧儲命近郡分治戎器閱士卒以脩不虞

立政三

增疏明周敘正統十四年啓疏修庶政曰天下一統萬  
幾日臻孰非當理但事有重輕勢有緩急況今弊政之  
餘尤難為功得不思其緊切者施之哉如選大臣以端  
治本嚴明賞罰以聳觀聽崇獎御史以振紀綱革罷監

軍以專委寄講求屯種以省饋餉輯睦親藩以厚宗支  
旌表忠節以作士氣限禁僧道以來召募革去罰贖以  
澄貪濁禁抑權貴中鹽以通商賈招降各處冠盜以安  
反側修理水陸道路以便驛運整捫腹裏緊要城池軍  
馬以脩不虞似此尚多宜令預政大臣逐一詳審條例  
施行則內修外攘讎恥可復邦國莫安

增銘宋陳無已黃樓銘曰熙寧十年河決澶州南傾淮  
泗彭城當其冲夾以連山扼以吕梁流泄不時盈溢十

里平地水深丈餘守臣蘇軾深惟流亡為天子憂夙夜  
不怠興發戍兵外為長捷乘高如虹以殺其惡內為大  
隄附城如環以待其潰築二防於南門之外以適南山  
以安危疑發倉庾明勸禁以惠困窮以督盜賊宣布恩  
澤巡行內外吏民嚮化興於事功法施四邑誠格百神  
可謂有功矣宜有褒嘉以勸郡縣十月奏京師明年元  
豐正月制誥諭意臣軾惟念祇承謨訓人神協同敢自  
為功以速大戾而明揚褒大無以報稱乃作黃樓於東

門具刻明詔以承天休而明德意使其客陳師道為之  
銘其詞曰皇治惟戒修明法度協和陰陽十有一年天  
災時行河失其防齊魯梁楚千里始達潰亂散亡皇仁  
隱憂臨遣信臣以惠東方羸老不窮安慰撫養發散積  
倉流人如歸居人忘危完聚靡傷天敘地平明聖成能  
人神效祥靈平告成百穀豐盈萬邦樂康郡縣祇畏允  
迪聖謨終事無荒皇功不居歸休臣民邇昭遠揚守臣  
拜手夸大休嘉使民不忘改作黃樓以臨泗上述修故

常庶臣無佞原始原終銘之石章以告成功以揚德聲  
永永無疆

增碑唐韓信卿河南尹張公碑曰惟唐六葉歲在乙未  
兇臣肇亂殘毒生靈穀洛之郊七年方平宮廟燔夷府  
寺為墟陰燐轉於原隰麋鹿遊於街陌天子廼命河東  
郡侯延賞尹於東夏視人猶身視邦猶家一年流亡磨  
至二年土壤咸闢三年公給人足家有餘積疏達河渠  
導塞隄封乃立宗廟乃建寢殿變邱墟為閭里散災稷

為和氣公府若虛戶庭不局牛馬產畜牧而不羈

增議元郝經立政議曰臣聞所貴乎有天下者謂其能  
作新樹立德澤加於人令聞施於後也國家光有天下  
繇歷四紀恢拓疆宇古莫與京惜乎攻取之計甚切而  
修完之計弗逮天下之器日益弊而生民日益憊也盖  
其幾一失而其弊遂成法度廢則綱紀亡官制廢則政  
事亡都邑廢則宮室亡學校廢則人材亡廉恥廢則風  
俗亡紀律廢則軍政亡守令廢則民政亡財賦廢則國

用亡天下之器雖存而其實無有昔元魏始有代地便  
參用漢法至孝文遷都洛陽一以漢法為政典章文物  
粲然與前代比隆天下至今稱為賢君王通修元經即  
與為正統是可以為鑒也金源氏起東北小夷部曲數  
百人渡鴨綠取黃龍便建位號一用遼宋制度收一國  
名士置之近要使藻飾王化號十學士至世宗與宋定  
盟內外無事天下晏然法制修明風俗完厚真德秀謂  
金源氏典章法度在元魏右天下亦至今稱為賢君燕



都故老語及先皇者必為流涕其德澤在人之深如此是又可以為監也今有漢唐之地而加大有漢唐之民而加多雖不能便如漢唐為元魏金源之治亦可也陛下睿稟仁慈天錫勇智喜衣冠崇禮讓愛養中國有志於為治而為豪傑所歸王民所望久矣今自踐阼以來下明詔蠲苛煩立新政去舊污登進茂異舉用老成緣飾以文附會漢法天下顒顒莫不思見德化之盛至治之美也但恐害民餘孽扳附姦邪更相援引比次而進

若不辨之於早猶夫前日也書曰罔不在厥初易曰履霜堅冰至詩曰如彼雨雪先集維霰春秋書元年春王正月皆謹之於初辨之於早也方今之世在於卓然有為斷之而已毋累於宵人不惑於羣言兼聽俯納賁若一代號為英主臣之所願也

善政一

增易曰君子以勞民勸相 又曰君子以振民育德

又曰先王以茂對時育萬物

茂對天時  
養育萬物

尚書曰欽若

昊天歷象日月星辰敬授人時 詩曰訏謨定命遠猶

辰告 原禮記曰哀公問政子曰文武之政布在方策

其人存則其政舉其人亡則其政息 論語曰子貢問

政子曰足食足兵民信之矣子貢曰必不得已而去於

斯三者何先曰去兵子貢曰必不得已而去於斯二者

何先曰去食自古皆有死民無信不立 又曰季康子

問政於孔子孔子對曰政者正也子帥以正孰敢不正

又曰季康子問政於孔子曰如殺無道以就有道何

如孔子曰子為政焉用殺子欲善而民善矣君子之德

風小人之德草草上之風必偃 又曰或謂孔子曰子

奚不為政子曰書云孝乎惟孝友于兄弟施於有政是

亦為政奚其為為政 家語曰子路治蒲三年孔子過

之入其境曰善哉由乎恭敬以信矣入其邑曰善哉由

乎忠信以寬矣至其庭曰善哉由乎明察以斷矣子貢

問曰夫子未見由之政而三稱其善可得聞乎孔子曰

入其境田疇治草萊闢溝洫深此恭敬以信故其民盡

力也入其邑牆屋完固林木甚茂此其忠信而寬故其民不偷也至其庭甚清閒諸下用命此其明察以斷矣又曰哀公問政於孔子孔子對曰政之急者莫大乎使民富且壽也公曰為之奈何孔子曰省力役薄賦歛則民富矣敦禮教遠罪戾則民壽矣公曰寡人欲行夫子之言恐吾國貧孔子曰詩云愷悌君子民之父母未有其子富而父母貧也又曰衛靈公問孔子曰有語寡人為國家者謹之於廟堂之上則政治矣何如孔子

曰其可也愛人者則人愛之惡人者則人惡之又曰

哀公問於孔子曰寡人欲國小則能守大則能攻其道  
何如孔子曰使君朝廷有禮上下和親天下百姓皆君  
之民也將誰攻焉苟違此道民叛如歸皆君之讎也將  
誰與守公曰善哉於是廢澤梁之禁以惠百姓管子

曰凡為國之道必先富民民富則易治也貧則難治也  
奚以知然民富則安鄉安鄉則重家重家則敬上畏罪  
敬上畏罪則易治也貧則危鄉危鄉則輕家輕家則凌

上犯禁凌上犯禁則難治也昔者七十九代之君法制

不一號令不同然而皆王天下何也必國富而粟多也

又曰政之所存在順民心政之所廢在逆民心民惡

憂勞我佚樂之民惡貧賤我富貴之民惡危隆我存安

之民惡滅絕我生育之 又曰凡牧民者欲民之正欲

民之正也則微邪不可不禁也微邪者大邪之所生也

微邪不禁而求大邪之亡傷固不可得也 鄧析書曰

夫水濁則無掉尾之魚政苛則無逸樂之士 增經濟

類編曰魏文侯時西門豹為鄴令發民鑿十二渠引河水灌民田田皆溉當其時民治渠煩苦不欲也豹曰民可以樂成不可與慮始今父老雖患苦我然百歲後期令父老子孫思我言 原左氏傳曰鄭人遊於鄉校以論執政然明謂子產毀鄉校如何子產曰何為夫人朝夕退而游焉以議執政之善否其所善者吾則行之其所惡者吾則改之是吾師也 又曰子產知然明問為政焉曰視民如子見不仁者誅之如鷹鷂之逐鳥雀



也子產喜以語子太叔且曰他日吾見蔑之面而已今  
吾見其心矣子太叔問政於子產子產曰政如農功日  
夜思之思其始而成其終如農之有畔其過鮮矣 又  
曰鄭子產有疾謂子太叔曰我死子必為政唯有德者  
能以寬服民其次莫如猛夫火烈民望而畏之故鮮死  
焉水懦弱民狎而玩之則多死焉疾數月而卒太叔為  
政不忍猛而寬鄭國多盜取人於萑蒲之澤太叔興徒  
兵以攻萑蒲之盜盡殺之仲尼曰善哉政寬則民慢慢

則糾之以猛猛則民殘殘則施之以寬寬以濟猛猛以濟寬政是以和 孟子曰為高必因邱陵為下必因川澤為政必因先王之道 孫卿子曰夫一仞之牆民不能踰千仞之山童子升而遊焉凌遲故也今仁義之凌遲久矣能謂民弗踰焉 莊子曰至德之世山無蹊隧澤無舟梁鳥雀之巢可攀援而闕也 增又曰聞在宥天下不聞治天下在之者恐天下之淫其性也宥之者恐天下之遷其德也天下不淫其性不遷其德有治天

下者哉 又曰黃帝將見大隗于具茨之山適遇牧馬

童子請問為天下小童曰夫為天下者奚以異乎牧馬

哉去其害馬者而已矣 原商君書曰古者民聚生而

羣處故求有上也然則天下之樂有上將以為治也今

有主而無法其害與無主同有法而不勝其亂與無法

同也 韓子曰故言毛嫵西施之美無益君面用脂澤

粉黛則倍其初言先王仁義無益於治必賞罰則國治

賞罰法度者國之脂澤粉黛 又曰勢者君之馬也威

者君之輪也勢固則輿安威定則策勁臣從則馬良民  
和則輪利為國有失於此覆輿奔馬折策敗輪矣輿覆  
馬奔策折輪敗載者安得不危 增經濟類編曰倪寬  
為左內史寬既治民勸農業緩刑罰理獄訟卑體下士  
吏民大信愛之 原新序曰魯君使宓子賤為單父宰  
子賤辭去因請善書者使書憲法魯君與之至單父使  
書子賤從旁引其肘書醜則怒之欲好書則又引之書  
者患之辭去歸以告魯君魯君曰子賤苦我擾之使不

得施其善政也乃命有司無得擅徵發單父單父大理  
增冊府元龜曰劉仁軌鎮守百濟經福信之亂合境  
凋殘僵尸相屬仁軌始令收斂骸骨瘞葬弔祭賑貸貧  
乏存問孤老條錄戶口 又曰陽城貞元末為道州刺  
史土地產民多矮每年常貢號為矮奴城不平以良為  
賤又憫歲有離異之苦乃抗疏論免之無不泣荷 唐  
書曰韓愈改袁州刺史袁人以男女為隸過期不贖則  
沒入之愈至悉計庸得贖所沒歸之父母七百餘人因

與約禁其為隸 冊府元龜曰李德裕為浙西觀察使

江嶺之間信巫祝惑鬼怪有父母兄弟癘疾者舉室棄

之而去德裕欲變其法擇鄉人之有識者諭之以言繩

之以法數年之間弊風斯革 彙苑詳注曰李惠登雖

樸素無學術而視人所謂利者行之所謂害者去之率

心所安暗與古合居二十年田畝日闢戶口日增 又

曰王克敬嘗為兩浙鹽運使温州逮鹽犯以一婦人至

克敬大怒曰豈有逮婦人行千百里外與吏卒雜處者

汙教甚矣自今毋逮建議著為令 經濟類編曰元順

帝時水旱民多失業時魏中立薦韓墉為饒州路總管  
俗尚鬼墉至凡境內淫祠盡毀之人初大駭已而歎服  
選民俊秀入學求尊宿有學行者為五經師每月考課  
以示勸勉由是人人自力於學

### 善政二

原德和 寬撫

以德和人  
書撫人以寬

葬鰥獨 無追捕

黃霸  
在潁

川鰥獨有死無以葬者霸為伐其木為棺以葬之也  
韓延壽為郡守置正五長不得舍姦人後吏無追捕

之 不嚴而化 決遣如神 文景時為循吏如河南太守吳公蜀守文翁皆謹身

率先居以廉平不至嚴而人從化江都相仲舒內史公孫弘倪寬居官可紀 朱博冀州行部吏民數百遮道

博使從事明勅告吏民欲言縣丞尉者刺史不察黃綬各自詣郡欲言二千石墨綬屯吏者行部還詣治訴究

及言盜賊詞訟各使屬其 吏人不欺 姦豪皆去 韓

從事傳駐車決遣如神 壽推至誠吏人不敢欺 何並為潁川名次 杜預號

黃霸郡中姦豪持吏短長縱橫郡中皆亡去 武庫 朱邑葬桐鄉 晉杜預字元凱在朝七年損益萬

庫言無不有 朱邑字仲卿為桐鄉嗇夫廉平未嘗笞辱人遷大司農將死屬其子曰桐鄉愛我後子孫奉嘗

我不知桐鄉人 文公制移居 翁歸有記籍 魏鄭渾 必葬我桐鄉也 字文公



為京兆以百姓制移居之法使兼複與單輕相伍以發  
姦勤稼於是人安 尹翁歸為東海郡中賢不肖皆有

籍記

### 薛宣設方略

陶侃無棄物

薛宣字貢君為左馮  
翊下至財用筆硯皆

為設方略利用而省費人稱之郡中遂清淨也

晉陶

侃為荊州造船竹頭及木屑皆令舉掌之後正會積雪  
始晴地濕以木屑布地及桓溫伐蜀又以  
所貯竹頭作釘裝船其綜理微密如此 黃霸務在

### 安全

龔遂未嘗答辱

黃霸力行教化務在成就安全  
之其材長於治人也 龔遂廉

平不苛以愛利百姓

增捕蝗

殺狗

冊府元龜曰趙  
瑩為晉昌軍節

為行未嘗答辱人

度天下大蝗禁內捕蝗者獲蝗一斗給粟一斗使饑者

獲濟

又曰李嵩為太原尹舊俗有僧徒習禪及死不

斂輿屍近郊以飼鳥獸土人號其地為黃坑坑側有餓

犬千數食死人肉嵩到官發兵捕殺羣狗其風遂革

斂骸

贖子

上詳第一條  
和中為涇原節度使涇土舊俗多賣子

冊府元龜曰朱忠亮元

忠亮以俸錢贖而還  
其親者約三百人

燒瓦

賦磚

冊府元龜曰宋璟為廣州都督廣州

舊俗皆以竹茅為屋屢有火災璟教人燒瓦改造店肆  
自是無復延燒之患唐書曰牛僧孺為鄂岳蕲黃觀  
察等使江夏城風土散惡難立垣墉每年加版築賦菁  
茆以覆之吏緣為姦僧孺至計茅苦版築之費歲十餘  
萬即賦之以墉以當苦築  
之價凡五年墉皆梵葺

育德

設教

上詳第一條  
易曰先王

以省方觀

杜母

賈父

李商隱詩曰疲民呼杜母鄰  
國仰羊公後漢書曰賈彪

民設教

字偉節補新息長小民困貧多不養子彪嚴為其制與  
殺人同罪數年間人養子者千數僉曰賈父所長生男  
名為賈子生  
女名為賈女

開廢河

修故堰

冊府元龜曰唐薛大  
鼎為滄州刺史州界

有無棣河隋末填廢大鼎奏開之引魚鹽于海百姓歌  
之曰新河得通舟楫利直達滄海魚鹽至昔日徒行今  
騁駟美哉薛公德滂被彙苑詳注曰真宗朝許景山  
為興元郡嘗修蕭何所為故堰號其屬曰鄮侯方定天  
下乃暇為此吾豈愛一高其相削其石經濟類編  
時之勞而廢萬世之利曰孫叔敖

為楚相楚俗好庫車王以為不便馬欲下令使高之相  
曰令數下民不知所從不可臣請教閭里使高其相乘  
車者皆君子君子不能數下車王許之居半歲民悉自  
高其車冊府元龜曰高駢咸通末為安南都護初交  
趾以北距南滇有水路多覆巨舟駢注視之乃有橫  
石在水因奏請開鑿召工者削其石民至今賴焉

賞盜麥

勸輸錢

彙苑詳注曰孔文舉為北海相有一  
人母病差思食新麥家中無有乃盜

鄰家熟麥以進文舉特加賞異曰無有來取勿復盜也  
玉露曰孫莘老知福州時民欠市易錢繫者甚衆有

富人出錢五百萬葺佛殿革老曰汝輩所以施錢何也  
曰願得福耳曰孰若為獄囚代償官逋使數百人釋桎

梏之苦得福豈不多乎富人輸錢囹圄為之一空

畜雞豚

種蔥韭

經濟類編曰宣

帝垂意于治數下恩澤詔書吏不奉宣太守霸為選擇  
良吏宣布詔令使郵亭鄉官皆畜雞豚以贍鰥寡貧窮  
者又曰龔遂為渤海太守見齊俗奢侈好末技不田  
作廼躬率以儉約勸民務農桑令口種一樹榆百本齎

五十本蔥一畦

免供矮奴

禁賣女口

上詳第一條  
冊府元龜

曰孔殘為廣州刺史

引水開田

置橋立廬

冊府元龜  
裴

至郡禁絕賣女口

行方檢校幽州都督引廬滿水廣開稻田數千頃

又

曰李西華貞元中為商州刺史商州西至藍田東至內

鄉山岨重沓小遇暴雨則隔絕行旅西華

請設工十餘萬置橋立廬自是行李不滯

人為立碑

民請刊石

冊府元龜曰王方翼為肅州刺史屬蝗儉諸州貧人死于道路而肅州全活者甚衆

州人為立碑頌又曰劉表微廣順初為新安令河南府上言縣民三百七十稱表微公平之政請刊石頌美

太祖從之

得免寒苦

知有生聚

彙苑詳注曰崔寔為五原太守五原土宜麻枲

而俗不知織績民冬月無衣見吏則衣草而出寔至官斥賣儲峙為作紡績束緼之具以教之民得免寒苦

續問奇類林曰

虞允文泚浙以浙民歲苦輸身丁錢絹

細民生子即棄稍長即殺惻然久之訪知江渚有荻場

向為世家及浮屠所私令有司籍數以聞請以代輸

民之身丁錢絹九州之民始知有父子生聚之樂

平章百姓

協和萬邦

書曰九族既睦平章百姓百姓昭明協和萬邦黎民於變時雍

訏謨定命

章志貞教

上詳第一條記曰章志貞教禮

種龔百

本 給粟一斗

上詳種蔥韭注  
下詳捕蝗注

活饑民五十餘萬

得棄兒三千八百

問奇類林邵伯溫曰富鄭公知青州  
活饑民五十餘萬則每自言曰過于

作中書二十四考矣

又曰葉石林夢得嘗言在許昌

值大水發賑十餘萬人唯遺棄小兒無由救一日詢左

右曰人固願得之但患既長識認耳乃為閱法例凡遺

棄小兒父母不得復取遂作空券數千即給內外廂界

保伍凡得兒者皆使自明所從來書

張延賞具舟楫

於券付之略為籍記凡三千八百人

遣亡人 王敬莧設糜糗待軍士

冊府元龜曰張延賞  
大厯中鎮揚州屬歲

旱人有亡去他境者吏或拘之延賞曰居此坐斃適彼

可生又何限也具舟楫而盡遣之俾吏修其室廬又

曰王敬莧唐末為潁州刺史乾寧四年冬龐師古敗軍

路出於潁時雨雪連旬軍士凍餒敬莧自淮燎薪相屬

于道郡中設糜糗餅餌  
以待之全活者甚衆

進賢理屈 探隱拯沉 聲

與風翔

澤從雲游

文選

雨零露湛

冬暖春暄

文藝

### 善政三

增厚下安宅

人君觀剝之象而厚其下以安其居也

重明以廉乎正乃

化成天下

易

亮采惠疇

謂明亮庶事而順成庶類也

翕受敷施

言人君於有德者合而受之布而用之也

德懋懋官功懋懋賞

書

衆人

熙熙如登春臺

老子

被飾

漢雋曰言除去舊事更飾新文

原所居人

富

王成黃霸朱邑龔遂鄭弘召信臣所居人富所去見思生有榮號死見奉祀庶幾德讓君子也

唯

恐人知

史直不疑為官唯恐人知其為吏之跡不好立名稱為長者

增家給人足

彙苑詳注曰陶侃練庶事勤稼穡戎陣武士皆勸勵之有奉饋者問其所由若力役所致歡喜慰賜若他所得

則呵辱還之是以軍民

義合里

冊府元龜曰袁滋貞元末為華州刺史百

勤于農稼家給人足

姓有至自他境者皆給地

無閉糴

又云崔俊為湖南觀察使湖南舊法

豐年貨易不出境鄰郡災荒不相恤悛

禁賣親鬻子

至謂屬吏曰此非人情也無宜閉糴

又曰唐党仁弘為戎州都督夷獠之俗

寬明勤謹

又

賣親鬻子仁弘制法禁斷百姓便之

崔縱為藍田令寬明勤

造舟百艘

問奇類林云趙清獻公在虔州當二

謹德化大行人請立碑

廣之衝行者常有虔易舟而北公取餘材造舟百艘移

二廣諸郡曰仕宦之家有父兄沒而不能歸者皆移文



以遣當具舟載之  
歸者相繼於道

### 善政四

增詩陳江總治西湖詩曰史氏導漳水西門溉河潮圖  
始未能悅克終良可要擁鐘勸年首提潯勞春朝平臯  
草色嫩通林鳥聲嬌已集故池鶯齊蒔新田苗何吁畚  
築苦方驩魚稻饒

增序宋王庭珪寅陂行序曰安成西有寅陂溉田萬二  
千畝廢久官失其籍大姓專之陂旁之田歲比不登邑

丞趙君搜訪耆耄盡得古跡浚溪港起隄闕躬視阡陌  
灌注先後各有繩約不可亂是歲適大旱而寅陂溉萬  
二千畝苗獨不槁民頌歌之國家方下勸農之詔法有  
農田水利實丞職也然偽自增飾以蒙顯賞者世不為  
怪由是水利為虛名今寅陂功竣丞不肯自言部使者  
終不及省察某出城別君東門外逢寅陂之民塞路涕  
泣言此為敘其事作寅陂行安成城頭烏夜宿啼烏未  
起雞登木傾村入城來送君馬首摩肩袂相屬但有龐

首不識名何物老翁出山谷老翁持酒前致詞家住西  
村大江曲大江兩岸皆腴田古有寅陂置官屬自從陂  
廢田亦荒官中無人開舊瀆公沿故道堰橫流陂旁杭  
稻年年熟今年雖旱翁不憂田頭已打新春穀誰云此  
陂會當復老父曾聞兩黃鵠嗟哉如君不負丞躬行阡  
陌勸農耕監司項背只相望風謠滿路胡不聽胡不聽  
寅陂行為叩天閭叫一聲

增賦唐白行簡文王葬枯骨賦曰骨雖無知葬以表德

展厚禮於九原示深仁於萬國原夫靈臺肇建璧池是  
穿宛彼枯骨委茲窮泉既靡覩其銘誌曾莫知夫歲年  
西伯乃色變盡爾涕流泣然爰命從者將收瘞焉徒觀  
其年代超忽英靈淪沒土變豐肌苔封朽骨於是惠露  
生死澤及榮枯遣奠有加於蘋藻備物無闕於芻豢幽  
壤始開見佳城於白日靈邱是啓旋卜宅於青烏既而  
遷彼古塋葬之中野推誠於重泉之內昭德於普天之  
下念此窮塵之骨尚或塋之欲使行路之人不得見也

原教梁簡文帝圖雍州賢能刺史教曰冀州表朱穆之  
象太邱有陳寔之畫或有留愛士民或有傳芳史籍昔  
越王鎔金尚思范蠡漢軍染畫猶高賈彪矧彼前賢寧  
忘景慕可並圖象廳事以旌厥善

增表梁劉孝儀為雍州柳津請留刺史晉安王表曰楚  
備寶臣秦兵不入齊多君子魏珠恥照足使文公懼而  
側席孟軻歎而廢寢敢言借冠之願切望申耿之恩陞  
下昔在潛龍因茲或躍固以陋撫撫於周原已匆匆之

佳氣昔次君出撫近駕斑輪喬卿在政遙授衮服馮熊  
軾而督盜御龍章而行部無虧變理有光司牧

增頌唐孫逖濟州刺史裴公德政頌曰公涖是邦其明  
年也皇帝東巡狩至岱宗自洛及兗供帳於東道者凡  
十有六州焉大或數圻次或萬井中產者傾幣膏粱者  
倍征方事之殷猶懼不給茲郡褊小實難圖也公深識  
遠謀擇利而行西自於陽穀東盡於良清造舟為三橋  
置騎為馬驛闢野為兩頃除道為九達或總或結或薪

或糲或糗或餼或糧或糗因吏祿之奇贏雜官用之餘  
羨通變合度豐省中程編戶之民秋毫勿興其三年秋  
大水河堤壞決諸郡皆俟詔到莫敢興役害既滋甚功  
無已時公既成奏因而發卒播告厥指率籲於人荷鍤  
者襁屬負畚者磨至公俯臨決河躬自護作雨不張蓋  
塵不振衣饋不致鮮寢不處館版築競勤鼙鼓弗勝以  
浹辰之役興百倍之利澹災革弊於今賴焉公名曜卿  
字渙之河東聞喜人

原碑梁裴子野丹陽尹湘東王善政碑曰皇上建顯號  
垂鴻名廣大配乎天地光華象乎日月長駕遠撫橫逸  
乎都外策鏡區域充塞乎無垠上冠九垓旁濟八表制  
禮以告成功作樂以彰治定福應允臻祥慶符合六府  
孔修九官咸事於往歲也有司奏以湘東王為宣惠將  
軍丹陽尹既而下車為政振民育德循名責實舉無遺  
慮若夫據饋累起求賢如不及卑身折節用人若由己  
玉帛旅於邱園辟書交乎塗路求餘論於故府想遺風



於舊哲延儒生於東閣命文學於後車重門洞啓列筵  
廣置四民總至獄訟殷集王兼而治之綽有餘裕上弘  
其禮下悅其風虛往實歸人得所至由是百吏仰成具  
僚斂衽千里之間有懷必亮躬親勸課賦政授時辨相  
物宜務盡地利由是仍歲有秋餘糧栖畝是以縉紳先  
生愀然相顧遂造象魏拜而陳之有詔報曰纖介之善  
春秋必書吏民歸美難用抑絕於是二三君子歡得所  
奏乃擇工良匠追石名山揆德選辭興事篆刻俾萬代

之下知斯文之在茲銘曰茫茫禹跡經啓萬方平秩肇  
定曰若我皇并包九域畫野分疆倚歟帝子日就月將  
疏爵分品奄有瀟湘君王先啓既表南國肇允神童翻  
飛上德導達元微優游翰墨行成師範文為麗則帝曰  
爾詔出康庶績勿替敬典大猷允迪我王顯允洵美且  
麗夙夜乾乾有隆無替光贊大朝庇民濟世京邑翼翼  
永承嘉惠 陳徐陵為司空徐州刺史侯安都德政碑  
曰巖巖天柱大矣周山之峰桓桓地軸壯哉崑崙之阜

三光懸而不墜九土鎮以無疆承乾合德之君則天體  
元之后所以並咨四鎮咸建五臣業配蒼祇功成寓縣  
至於流名雅頌著美風詩年代悠然寂寥無紀其能繼  
茲歌詠者司空侯使君乎自文昭武穆祚土開家濮水  
盛其衣簪滎波分其序秩仁義之道夷門美於大梁儒  
雅之風司徒重於強漢自通人許劭託命於江湖高士  
素忠寄身於交越俱違建安之難獨處衡山之陽祖天  
資秀傑世載雄豪卓富擬於公侯班佃必於旌鼓父光

祿大夫邑里開通德之門州縣無抗禮之客自茫茫禹  
迹赫赫宗周家滅驪戎國亡夷羿我高祖武皇帝迎河  
圖於浪泊括地象於炎州南興涿廬之師北問共工之  
罪天生宰輔堯年致白虎之祥神賜英賢殷帝感蒼龍  
之傑公亦觀時佇聖嘯咤風雲跪開黃石之書高咏元  
池之野沈吟梁甫自比管仲之才惆悵莘郊久負伊生  
之歎自羯鹵侵華羣蠻縱軼後臯桂部之地四戰五達  
之郊郡境賢豪將謀禦難長者僉論推公主盟義士雄

民星羅霧集公既膺五聘方啓六韜率是驍徒仍開嶺  
嶠自大討瀟湘同茲樊鄴下軍違命上策不宣敗我王  
師受拘勦盜大陳格於文祖咸秩具神率土依風羣靈  
稟朔公亦忠為令德天纂之謀吳帳斯開衛門無擁雖  
復季孫還魯隨武濟河國慶民歡相傳匪若即授使持  
節開府儀同三司丹陽尹昔光武不尤於馮異穆公深  
禮於孟明終報王官之師遂舉咸陽之地斯乃聖主之  
宏略而名臣之遠圖者焉皇帝以陶唐啓國致玉版於

河宗顓頊承家佐金天於江水經綸草昧定鼎之業居  
多締構權輿斷鼇之功相半固以英聲馳於海外信義  
感於寰中主器攸歸當璧斯在公於是抗表長信清宮  
未央從億兆以同心引公卿而定策馳輕軒於軫轡奉  
侍駕於中都七廟之基於焉永固萬邦之本由此克寧  
乃復進司空公南徐州刺史於是鎮之以清靜安之以  
惠和望杏敷耕瞻蒲勸穡室歌千耦家喜萬鍾陌上成  
陰桑中可詠春鴈始嘯必具籠筐秋蟀載吟競鳴機杼

或肅拜靈祀躬瞻舞雩去駕擁於風塵還旌阻於飄沐  
京坻歲積非勞楚堰之泉倉廩年豐無用秦渠之水雖  
復東過小縣夏雨逐其輕輪南渡滄江秋濤弭其張蓋  
固不得同年而語矣若夫聽採民訟昏曉必通召引軒  
櫺躬親辨決立授符於前案無留詣於後曹接務高城  
之中非異甘棠之下欣欣美俗濟濟都塵以賈琮郭賀  
之風行建武永平之化於是州民散騎常侍王瑒等拜  
表宮闕請揚茲美化樹彼高碑民欲天從允彰絲誥銘

曰鬱鬱三象茫茫九州縣天慘沴浹地虔劉赫矣高祖  
爰清國讎元勲佐命力牧風后亦既旋歸邦家有暉宮  
亭蠡浦奮翅高飛電卷勅冠風行國威文身被髮作貢  
來綏我皇纂武攀號東序謁渭同周迎門惟呂流矢為  
暴攬搶斯舉喋喋蒼黎峴峴刀俎自我徂征妖氛克平  
爰驅大彘實翦長鯨北震巢浦南俘灌城青羌卷介赤  
狄迴兵蹈舞難踰歌謠靡宣曰我黎庶俱祈上元山移  
兩越海變三田公為上相復倍斯年 又廣州刺史歐



陽頌德政碑曰弱水導其洪源軒臺表其增殖懿哉少  
府師儲皇於二京盛矣司徒傳儒宗於九世廣陵邕邕  
族擅江右渤海赫赫名重洛陽若夫岳鎮龍蟠星懸鶉  
火衡山誕其高德湘水降其清輝千仞孤標萬頃無度  
年當小學志冠成童因孝為心欲仁成體屯騎府君早  
棄榮祿易簣之日幾將毀終不杖之言深非通制遺賢  
巨萬富擬倚頓裁變槐榆並賑宗戚南茨大麓北眺清  
湘得性於橘洲之間披書於杏壇之上三冬文史五經

縱橫頻致嘉招確乎難拔既而帝啓黃樞神亡赤伏天  
地崩實川冢沸騰羣悍首豪更為禍亂朝披羽檄夜照  
燿烽浴鐵蔽於山原挺金駭於樓堞公疲兵屢出獨據  
胡牀勅賊重圍尚凭書几揚灰既散駕棒將揮咸尅凶  
梁以保衡服常以二主蒙塵三光掩曜出入逾於嘗膽  
殷憂獨其撫心不治第宅深符去病志臬羣醜彌同越  
石自禹圭既錫堯玉已傳物變謳謠風移笙管商周之  
際孤竹尚其哀歌曹劉之間蘓子猶其狂哭況番禺連

帥實謂宗枝迷我天機自窺梁鼎以公威名本重逼統  
前軍乾數難違剥象終悔高祖永言惟舊彌念奇功即  
訓皇家深弘朝紀檻車才至輿櫬已焚祝史祆於夷吾  
壇場延於井伯綢繆安樂造次訐謀爰珥豐貂允光金  
螭但八桂之土蠻夷不賓九疑之陽兵凶歲積以公昔  
在衡臯深留夙愛仁恩可以懷猛獸威名可以懼啼兒  
乃授持節散騎常侍衡州刺史我皇帝從唐侯以肩國  
屈啓筮而登家一恭寶祚開定江沔三改璇衡色羅湘

峽昔中宗屈申於處仲高祖遺恨於平城漢武承基方  
通沙塞晉明紹運裁平姑孰方其盛業綽有光前踐祚  
之初進公位征南將軍廣州刺史又都督東衡州二十  
州諸軍事宜公乃務是民天敦其分地火耕水耨彌亘  
原野賊盜皆偃工賈競臻鬻米商鹽盈衢滿肆新垣既  
築外戶無扃脂脯豪家鍾鼎為樂揚袪灑汗振雨流風  
市有千金之租田多萬箱之詠僧釋慧羨等來朝絳闕  
備啓丹誠乞於大路康莊式刊豐琰庶樊鄉寶鼎復述

台司之功羊叟高碑更紀征南之德於是跪開黃素爰  
登紫泥鑒此誠祈皆如所奏乃詔庸臣為其銘曰赫赫  
宗陳桓桓鼎臣千乘建學五典攸因盛德斯遠公門日  
新嵩高惟岳貺甫生申去衡移廣遷征自鎮悠悠銅界  
藐藐金隣莫遠匪督無思不賓三江靡浪五嶺奚塵式  
歌式舞仁哉至仁公自饗福於萬斯春 又晉陵太守  
王厲德政碑曰若夫睢陵世傳以詳載德之華徐州先  
賢亦著清風之美偉哉文獻光啓中興郭莖表其深源

何籌慙其遠慶豈惟桓氏之鳴玉張家之珥貂素姓之  
朱衣楊宗之華轂又有攸飛遮列班弓夾門濯龍俯望  
緹騎盈道奕世如此何其盛哉君以藍田美玉大海明  
珠灼灼美其聲芳英英照其符彩風神雅淡識量寬和  
既有崔琰之鬚眉非無鄭元之腰帶爛爛如高巖下電  
騷騷若長松裏風勢利無擾於胸襟行藏不槩於懷抱  
家門雍睦孝友為風上交不諂下交不瀆脫貂救厄情  
靡矜去釋馬窮途惟濟危殆至於網羅圖籍脂粉藝文

學侶揖其精微詞宗稱其妙絕出為仁武將軍晉陵太  
守五雞二鳳勤恤有方問羊知馬鈞距兼設濟北移樹  
累政之所未治汝南爭水連年之所無斷一朝明決曾  
不留滯四民商販咸用殷阜銘曰康哉寶運美矣良臣  
胄自灋水源於洛濱公侯世及宰輔相因曰我民秀山  
川降神風情穆穆孝友恂恂學則經笥文為世珍高風  
遠矣曠代難倫鼎鼐虛職台階未臻安知霜霰遽天松  
椿碣石斯表民情既陳徒然下拜何報陽春 江總吳

興郡廬陵王德政碑曰卓爾吾王天人可擬早成夙智  
謙懷虛已偃息流略翱翔文史三雍雅對九師名理好  
古如斯學兼之矣睢陽肇構碣石初開賜田待士榜道  
求材剖符彭國述職琅臺去謠曙鼓留歌暮來 周王  
褒上庸公陸騰勒功碑曰在昔洞庭彭蠡三苗有遠竄  
之君太室陽城九州無同姓之國是知周衛設險所務  
非山川河岳作固所寶惟休德至於三峽蹇產九折崢  
嶸高峰尋雲深谷無景秦開漢閉雖阻荷戟之虞魏塞



晉通終因東馬之利我大周開闢宇宙混同文軌御六  
氣於天樞頓八紘於地絡彭濮未恭卬竿不討外憑劒  
道之難內負銅梁之阨大將軍上庸公仗國威靈奉辭  
伐罪長戟萬隊巨艦千軸板楯酋豪斯榆君長歷稔通  
寇累代稽誅廓清江源蕩滌巴濮若夫荆門千里蜀置  
永安之宮巴水三迴吳阻夷陵之縣巫峽使君之灘淪  
波洽沒陰平督郵之道棧徑威紆路阻蠻陬途橫夷落  
擅強專險輕法侮吏天子爰詔有公奉命天討星言載

塗指日遄邁冊授公大將軍信州刺史韓信召拜軍中  
致設壇之禮衛青出征臨河間後距之令夫鍾鼎大禮  
之器昭德必書金石不朽之質庸勲斯樹某等乃建碑  
於某地敢作頌云遐觀命氏眇求世祿龍圖紀河鴻漸  
于陸霸楚傳姓命吳啓族君子篤生降靈惟岳朝陽擢  
彩荆山曜璞巴庸自擅彭濮稱王南洎楚道西通夜郎  
內憑玉壘外阻銅梁介視荒服斗絕邊疆赫赫南仲堂  
堂方叔天子命我遐征越逐竇氏車騎去病冠軍封山

刊石鐫銘刻勲遠隔年代懸感風雲盛德必祀千載斯  
文 增唐李軫泗州刺史李君神道碑曰君諱孟犖字  
公悅君之臨猗氏也萊田數十里上蔽荆榛下闢烏鹵  
逋逃夜聚豺狼曉嗥公曰穀不足者地有餘利食不足  
者人有餘功長荆棘孰若樹禾稼聚豺狼孰若利貧窶  
乃疏鑿涑川化草莽為陂塘變磽确為墳壤人民胥悅  
工亦子來雖史起決漳鄭國開白亦何加也

增墓誌唐白居易虢州刺史崔公墓誌銘曰唐有通四

科達三教者曰崔公元亮授密州刺史密之民凍餒者賑恤之疾疫者救療之皆體未殯者命藏葬之男女過時者為孀娶之三月而政立二年而化行密人悅之發為謠詠換歙州刺史其政如密先是歙州民畜牛馬而生駒犢者官書其數吏緣為姦公既下車盡焚其籍孳息貿易一無所問先是歙民居山險而輸稅米者擔負跋涉苦不支公許其計斛納緡賤入貴出官且獲利人皆忘勞農人便之歸如流水朝廷聞其政徵拜刑部郎

中謝病不就俄改湖州刺史政如密歛加之以聚羨財而代逋租則人不困謹茶法以防黠吏則人不苦修堤塘以備旱歲則民不饑罷民賴之如依父母

增行狀唐杜牧浙江西道觀察使崔公郾行狀曰三吳者國用半在焉因高為旱因下為水者六歲矣於是科民等第籍地沃瘠均其征賦一其徭役經費宴賞約事裁節誠禱山川歲獲大稔復曰衣冠者民之主也自艱難以來軍士得以氣加之商賈得以財侮之不能自奮

者多栖於吾土遂立延賓館苟有一善必接盡禮因訪閭里知民之疾苦期歲而吳民復振

增傳唐李華東川節度使盧公傳曰盧坦字保衡為宣州刺史江淮大旱米價日長或說節其價以救人坦曰宣州地狹穀不足皆他州來若制其價則商不來矣價雖賤則無穀奈何後米斗及二百商人舟米來者相望坦乃借兵食多出於市以平其價人賴以生當塗縣有渚田久廢坦以為歲旱苟貧人得食取傭可易為功於

是渚田盡闢藉傭以活者數千人又以羨錢四十萬代  
稅戶之貧者故旱雖甚而人忘災

增書事唐孫樵書何易于曰益昌民多即山樹茶利私  
自入會鹽鐵官奏重權筦詔下所在不得為百姓匿易  
于視詔曰益昌不征茶百姓尚不可活矧厚其賦以毒  
民乎命吏剗去吏爭曰天子詔所在不得為百姓匿今  
剗去罪愈重吏止死明府公寧免竄海裔邪易于曰吾  
寧愛一身以毒一邑民乎亦不使罪蔓爾曹即自縱火

焚之觀察使聞其狀以易于挺身為民卒不加劾

增述唐盧子駿濠州刺史劉公善政述曰客有自濠梁  
來者余訊之曰濠梁之政何如客曰楚俗好巫而信鬼  
死者其親戚不敢穿廳事葬相傳立小屋號曰殯宮焉  
雖在城郭亦為之有土木隳築棺櫬巍然者有棺櫬分  
拆骸骨縱橫者不獨庶人而士大夫之家有焉劉公惻  
然曰非禮也下令曰某月有限限畢其家不闕地葬者  
笞二十鰥寡惸獨力不任者絕嗣無主旁無近親者刺



史以俸錢為塋訖事人無犯令野無殯宮焉盧子曰葬者藏也欲人之不得見也奈何濠之人不藏其父子昆弟邪劉公教生者以禮恤死者以仁因書以備太史氏采錄焉

寬政一

增易曰雷雨作解君子以赦過宥罪 禮記曰孔子過泰山側有婦人哭于墓者而哀使子路問之曰子之哭也壹似重有憂者而曰然昔者吾舅死於虎吾夫又死

焉今吾子又死焉夫子曰何為不去也曰無苛政 彙

苑詳注曰馬援務開寬信恩以待下任吏以職但總大體而已賓客故人日滿其門 後漢書曰卓茂為密令

勞心諄諄視人如子嘗有言部亭長受其米肉遺者辟左右問之曰亭長從汝求乎將自以為恩意遺之乎人曰往遺之耳茂曰若是則汝為敝人矣凡人之生羣居雜處故有經紀禮義以相接汝獨不欲修之寧能高飛遠走不在人間邪亭長以素善吏歲時遺之禮也人曰

苟如此律何故禁之茂笑曰律設大法禮順人情今我  
以禮教汝汝必無怨惡以律治汝何所措其手足乎一  
門之內小者可論大者可殺也且歸念之 冊府元龜  
曰唐房玄齡為尚書左僕射既總百司明達吏治飾以  
文學審定法令意在寬平 經濟類編曰唐徐有功名  
弘敏以字行初為蒲州司法不事敲朴吏相約有犯徐  
司法杖者眾共斥之迨官滿不杖一人 錦繡萬花谷  
曰宋璟為政寬厚仁愛百姓號有脚陽春 資治通鑑

曰元和十四年以張弘靖同平章事充宣武節度使弘

靖宰相子

張延賞次子

少有令聞河東宣武闕帥朝廷以其

位望素重使鎮之弘靖承王鏐聚斂之餘韓弘嚴猛之  
後兩鎮喜其廉謹寬大故上下安之 冊府元龜曰後

唐李嗣昭為昭義節度使時大兵之後城中士庶饑死

者半鄆里蕭然嗣昭緩法寬租勸農務穡一二年間軍

城完輯 續問奇類林曰杜祁公之帥并州也吏請家

諱公曰我無所諱諱取枉法賊耳 又曰曹侍中彬知

徐州有吏犯罪逾年然後杖之人皆不曉彬曰吾聞此人新娶婦若杖之彼其舅姑必以為不利而惡之吾故緩其事而法亦不赦也其用志如此

## 寬政二

原閉閣

吐茵

韓延壽為馮翊行縣至高陵有兄弟訟者延壽曰是馮翊政教不至乃閉閣不

出遣吏作告縣中惶懼所訟田兄弟悔過叩頭謝罪請改行

丙吉為相馭吏嘗醉掾訴斥之吉曰以醉飽不

過吐丞相車茵耳

服民

得衆

子產曰唯有德者能以寬服民論語曰寬則得衆

濟猛

制寬

仲尼曰寬以濟猛猛以濟寬政是以和寬而有制

師蕭曹學

黃老

蕭曹以寬厚清淨為天下師  
汲黯字長孺為東海守學黃老之言清淨治人責大指不苛細卧治

淮陽 不按吏 不殺盜  
丙吉為丞相令三公府不按吏後遂為常曹褒字叔通為圉

令他界盜入境吏捕得褒不殺  
之太守馬嚴奏褒軟弱免官 增放遣子女 歸還

奴婢  
冊府元龜曰李大亮為安州刺史會輔公柝反大亮以計擒公柝以功賜奴婢百人大亮謂曰汝輩

多衣冠子女破亡至此吾亦何忍以汝為賤隸乎一皆放遣  
又曰李復貞元初為容管招討使先時西京叛

亂征討反者獲其人皆沒為奴婢配作  
坊重役復乃令訪其親屬悉歸還之 縣令減威

諸將設誓

景苑詳注曰咸亨初賈敦實為洛州長史政尚寬人心懷向洛陽令楊德幹恃酷烈杖殺

人以立威敦寔止之曰政在養人傷生過多雖能不足賢也德幹為減威  
問奇類林曰曹武惠王攻金陵垂

克忽稱疾不視事諸將皆來問疾王曰余之病非藥石所能愈諸公克城之日不妄殺一人則愈矣諸將諾共焚香為誓明日稱愈及克金陵城中皆安堵如故

不鞭甯越

唯殺嘉運

濟

類編曰王承為東海太守政尚清靜不為細察有犯夜者為吏所拘承問其故答曰從師受書不覺日暮承曰鞭撻甯越以立威名非政化之本使吏送令歸家冊府元龜曰郝王元軌為定州刺史突厥之入寇也州人李嘉運與賊相連謀為內應高祖令收按其黨元軌以強寇在境人心不安唯殺嘉運餘無所及

放

俘九十

捨擒四千

冊府元龜曰程名振高祖武德初遙授永年令經畧河北名振夜襲

鄴俘其男女千餘人去鄴八十里聞婦人有乳汁者九十餘人悉放遣之鄴感其仁又曰郭子儀天寶末為

朔方節度使討安祿山拔趙郡生擒四千人皆捨之

必斬當以卿應

必責當

以汝始

北史曰韓麒麟拜齊州刺史在官寡刑罰從事劉普慶說曰明公仗節方夏無所斬戮何以示

威麒麟

曰人不犯法何所戮乎若必斬斷以立威當以

卿應之普慶慙懼而退

唐書曰陸象先為蒲州刺史

小吏有罪誠遣之大吏白以為可杖象先曰人情大抵不相速謂彼不曉吾言邪必責者當以汝為始

黃霸獨用寬和

萬福皆有惠愛

經濟類編曰昭帝立大將軍霍光秉政遵

武帝法度以刑罰痛繩羣下由是俗吏尚嚴酷以為能而黃霸獨用寬和為名合璧事類曰張萬福涖九州

皆有

惠愛

### 寬政三

增不急斷

孔子集語曰鞭朴之子不從父之教刑戮之民不從君之政言疾之難行故君子不急斷



不意使以  
為亂源

刑不上大夫

何休解公羊云古者刑不上大夫故有罪放之而已所以

尊賢

破觚斲雕

史記酷吏傳曰漢興破觚而為圜斲雕而為朴網漏于吞舟之魚而吏治

也  
烝烝不至於  
姦黎民乂安

中繩則止

鹽鐵論曰治民者若大匠之斲斧斤而行之中繩則止

不多殺

前漢書酷吏傳曰昔韓盧之取兔也上觀下獲不甚多殺願次卿少緩誅罰思行此術

原議曹醉呼

龔遂字少卿為渤海徵入議曹王生請從功曹白王生嗜酒不可從遂不忍逆

適會引入王生醉呼曰明府天子若問何以理宜有讓遂從之上笑曰君安得長者之言而道之遂曰議曹王

生教

掾吏為友

潁川太守嚴翊以孝行為官謂掾吏為師友有過輒閉閣自責王莽徵翊

翊曰吾哀潁川人士以我柔弱徵必以剛猛代云云

罰蒲鞭

劉寬字文饒吏人有過以蒲鞭罰之

以示辱也

遣長休

鍾離意字子阿為瑕丘令吏檀建者竊盜意遣長休其父令建進藥死

不鞠賊罪

後漢袁安字邵公為河南尹政號嚴明未嘗以賊罪鞠人常稱曰凡仕者高則望宰相下

則希牧守銅人於聖世尹所不忍為聞者皆感激自厲

增吾以寬

蜀志先主曰今指與吾為

水火者曹操也操以急吾以寬操以暴吾以仁操以譎吾以忠

不如小決

新序曰聞為國忠信

以損怨不聞作威以防怨譬之若防川也大決所犯傷人必多吾不能救也不如小決之使導吾聞而藥之也

原終日清譚

王衍字夷甫為元城令終日清譚而縣務理

增永念畫冠

文選王融策文云傷秋荼之密網側夏日之嚴威永念畫冠緬追刑措

寬以容物物必

歸郭子注莊云譬之野獸蹶之窮地意急情盡則和聲不至夫寬以容物物必歸焉

無取嚴

刑隋書酷吏傳曰御之良者不在  
于煩策政之善者無取乎嚴刑

### 寬政四

增詩宋方岳簡徐宰詩曰雨外茅茨黃葉村老農相語  
一燈昏山深未識新官姓但說無人夜打門

增碑唐孫逖東都留守韋虛心神道碑序曰皇帝二十  
四年鑾駕還長安之月有坐殊死在繇繫者時迫季冬  
將寘嚴法公為之請曰攸徂之慶方喜來蘓好生之德  
宜加在宥上可其奏減許從流 杜黃裳東都留守顧

公神道碑曰公諱少連字夷仲授登封主簿邑有暴虎  
公以為天道可以誠感猛鷙可以仁服乃堙塞陷穽移  
檄靈岳於是人安其居獸不為害公尹京兆以為設鉤  
距塗楮衣前人之所為不足以為四海式於是布和平  
尚簡易始務仁人之惠無取赫赫之名政弘大體去有  
餘慕

增策唐張說對策曰臣聞刑以助教德以閑邪先王慎  
於好生大易誠於緩死今陛下母臨黔首子育蒼生孚

佑下人克配上帝然有東南小侵荆蠻遠郊雖聖德泣  
辜尚用防風之戮天心罪已仍勞淮甸之師其有詿誤  
閭閻脅從并邑陛下愍孤孀於海淮恤困窮於江漢捨  
從寬宥此陛下之恩也今策政刑之要臣聞政同水火  
刑譬陰陽頃者三監亂常有司既糾之以猛於今四罪  
咸服陛下宜濟之以寬明肆赦之渥恩安萬人之反側  
布深仁於羅鳥收至察於泉魚豈不大哉

吏久從政一

增易曰日月得天而能久照四時變化而能久成聖人  
久於其道而天下化成 後漢書曰五年再閏天道乃  
備夫以天地之靈猶五載以成其化況人道哉又曰天  
下非一時之用也海內非一旦之功也 蘓軾策曰古  
之用人者知其久勞於位則時有以賜予勸獎之以厲  
其心不間驟遷以奪其成效 羣書考索曰漢制邊吏  
三歲一更而其他官吏以至倉庫之微初未嘗有終更  
之限也夏侯嬰自高祖時為太僕至文帝世不易其職

貢門歷三世不徙官此其在內然也有為京兆五年

張敞

有為刺史五年

何武

有為郡守八年

黃霸

未嘗不久任也王

嘉謂文帝時吏居官者或長子孫以官為氏其二千石  
長吏亦安官樂職莫有苟且之意此足以見漢之任吏  
不輕易置也苟二千石治行課最則特璽書增秩賜金  
亦未遽遷擢以重斯民去思之心又曰官守數易弊法  
也而將相之數易監司郡守之數易其弊為尤甚祖宗  
朝趙中令之相凡十一年王文正之相凡十二年向文

簡之相亦十年皇祐用相遠者五七年次者二三年而  
亟用亟罷何郊已切議之良以道揆之任非百官有司  
比任之則勿疑疑則勿任祖宗朝郭進之守西山凡二  
十年李漢超之守關南凡十七年董遵晦之守通遠凡  
十四年其餘或九年或十年或十餘年蓋不可悉數夫  
閫外之任古人所重委之也專任之也久則可以責其  
成效擢之未幾而遷之隨至雖有頗牧何所用之祖宗  
朝宋博轉運使河東凡十一年宋瑄之知泰州凡六年



蔣元振之知白州凡七八年在蜀者或至三仕宰桐廬者或七年不遷而知滄州未半年而更三任授發運使未數日而又遷諫議則吳申力言之夫親民之職不可屢易監司一易則擾一路郡守一易則擾一州令宰一易則擾一縣送故迎新勞擾萬狀五日京兆奸者侮之雖百龔黃何所容其技邪祖宗朝曰相曰將曰監司曰守令無一不久其職者正謂是也不寧唯是張質之在樞密五十年王貽永為樞密十五年古之以司馬為氏

不過是也陳恕之在三司十二年李士衡之任筦計二十年古之以倉庫為氏不過是也趙師民楊安國之在經筵或十餘年或二十七年所以養君德者多矣司馬光劉溫叟之在臺諫或五年或十二年所以格君心者久矣張師德九年在西掖章得象十二年在翰林所以出納王命者當矣

吏久從政二

原吏安其任民習其化

唐虞三載考績欲使吏安其任民服習其化而無苟且之政

因以為氏

漢為吏長子孫因以為氏庾氏倉氏是也

增秩賜金

漢宣吏有政績

者不即移易就增秩賜金欲使人安其化故人皆勵精為理百姓安富也

不欲易代

黃霸為潁

川太守務在成就安全長吏不欲易代曰數易吏迎新送故之費及姦吏因緣絕簿書盜財物公私費損甚多皆當出於民所易新吏又未必賢或不如故益為亂也注云吏因緣交代之際匿簿書盜財物也

增

祿寬算

後漢左雄奏鄉部親民之吏清白任從政者寬其負算增其祿秩吏職滿歲宰府州郡乃得辟

舉如此則送迎之役損時宦豎用權不省

增進其位班

帝以諸葛恢為會

稽守政績第一詔曰自頃多難官職數易雖聖人猶久於其道然後化成況其餘乎諸葛恢泣官三年政清人

和為諸郡首宜進其位班以勸風教

久於其事

晉書桓溫傳曰溫總督內外上疏陳便宜七事

其二戶口凋寡不當漢之一郡宜并省官職令久于其事

為刺史二十餘年

冊府元龜


曰陳孝揚為雋州刺史二十餘年蠻夷愛之後以老歸成都蠻夷交持之泣涕數百里方免

為河

南尹四十年

又云後唐張全義自唐末為河南尹四十年瀝洛之民思如父母班白耆老到今思

之



御定淵鑑類函卷一百二十五